


文献通考

六十三之五

丙



一〇〇册	一〇八函	一一五六八號	漢書門類
------	------	--------	------

元	一〇〇册	一一五六八號	漢書
---	------	--------	----

内閣文庫	
番號	漢 11568
冊數	100 ( 21 )
函號	294 1



漢書門			
一	二	三	四
〇	〇	〇	〇
冊	架	函	號
一	五	八	一
〇	〇	〇	〇
冊	架	函	號

文獻通考卷之六十三

淺草六庫

宋鄱陽 馬端臨 貴與 著

明蘄陽 馮天馭 應房 校刊

職官考 京尹 三輔 河南尹

周官有內史秦因之掌治京師漢景帝二年分置左右內史武

帝太初元年更名右內史為京兆尹絕高曰京十億曰兆更名

左內史為右馮翊馮翊 馮翊 馮翊秦官有主爵中尉掌列侯 漢景

帝中元六年更名都尉武帝太初元年更名右扶風扶風 扶風 扶風與

左馮翊京兆尹是為三輔治長安城中三輔皇圖曰長安以東

馮翊 馮翊 馮翊兩梁冠絳朝服佩水蒼玉凡州所監都為京師置尹一人丞一

人玉尊王章王峻並為京尹皆有名漢初三輔治長安後漢都

雒陽置河南尹以三輔陵廟所在不改其號但減其秩與太守

崇禎三年重刊



同後漢延篤字叔固及邊鳳皆為京兆尹並有姓名後漢左馮翊右扶風屬司隸尋省

魏晉為京兆太守後周都關中又為京兆郡隋京兆郡置

尹并佐吏合二百四十四人唐京兆府本為雍州置牧一人

以親王為之太宗為秦王中宗為英王睿宗為相王時並居其

任多以長史理人開元元年改雍州為京兆府置牧如故掌宣

風導俗肅清所部或以親王居閣而遙領焉初雍州置別駕以

貳牧之事永徽中改別駕為長史開元初改雍州長史為京兆

尹總理眾務凡前代帝王所都皆曰尹南朝曰丹陽尹後魏初曰代尹東魏曰魏尹齊曰清河

曰尹茲東郊蓋今河南牧之始秦兼天下置三川守三川河洛伊洛

為大尹改河南大尹為保忠信卿光武中興徙都洛陽改太守

為尹章綬服秩與京兆同主京都特奉朝請李膺為河南尹魏晉皆

為河南尹後魏太和中遷洛陽又置河南尹東魏置洛州刺

史後周置洛州總管尋罷之隋初為洛州刺史復為河南

內史至大業初為荊河州刺史又為河南太守尋為河南尹與

京兆同唐武德四年置洛州都督貞觀十七年改為刺史顯

慶二年置東都改刺史為長史而洛州本置牧一人以親王為

之中宗為周王時及衛王重俊實居其任多以長史理人至開

元元年改洛州為河南府改長史為尹其牧尹之制一如京兆

諸曹僚佐各以少尹二員通判府事京兆少尹魏晉以來治中

亦如之帝又改為贊治後又改為丞武德初復為治中永徽元年以太

皇帝諱改為司馬本一員太極元年雍洛二州各加司馬一員

分為左右開元元年開元以後增置太原府為北京官屬制置悉

同兩京初武太后長壽元年以并州后之故里改為北都神龍

府號曰北京初開元元年正月於蒲州置中都改州為河中府

至六月而罷後上元元年復置岐州為鳳翔府又以益州為成

崇禎三年重刊

都府

五代都汴為開封尹 宋朝牧尹不常置太宗真宗皆嘗尹京  
 後親王無繼者權知府一人以待制以上充掌正畿甸之事中  
 都之獄訟皆受而聽焉小事則裁決大事則稟奏若承旨已斷  
 者刑部御史臺無輒糾察典司轂下建隆以來為要劇之任崇  
 寧三年蔡京乞罷權知府置牧尹各一員專總府事牧以皇子  
 領尹以文臣充四朝志尹以親王為之號判南衙凡命知府必帶權字以翰林為之翰林學士及雜學士若待制則權發遣而已以河南府為西京應天府為南京大名府為北京皆置留守崇寧中蔡京奏京畿四輔置輔郡屏衛京師以穎昌府為南輔襄邑縣升為拱州為東輔鄭州為西輔澶州為北輔知州兼都總依三路非臣法中興駐驛杭州建炎三年改杭州為臨安府守臣帶浙西安撫多卿監從臣兼紹興三年詔臨安府有奏稟事不許隔班上殿乾道七年皇太子領臨安府尹就東宮為解廢臨安府通判簽判職官置少尹判官推官少尹依淳化判官例差侍從以上判官依天聖令

凡郎官以上餘曹掾依舊府官庭參仍拜小事少尹裁決徒流以上悉按判準表奏則繫皇太子銜中中書以下文移則少尹發書九年皇太子辭免臨安府尹其知通簽推判官並復置

留守

留守周之君陳似其任也此後無聞後漢和帝南巡祠園廟張禹以太尉兼衛留守晉張方劫惠帝幸長安僕射荀藩等與其遺官在洛陽為留臺承制行事號為東西臺至安帝時劉裕置留臺具百官後魏孝文南伐以太尉元丕廣陵王羽留守京師後並加使持節唐太宗貞觀十七年親征遼東置京城留守以房玄齡充蕭瑀為副其後車駕不在京都則置留守以右金吾大將為副咸亨二年高宗幸洛陽以雍州長史李晦為西京留守其後車駕發京都則置留守以右金吾大將軍為副留守太原府亦置尹及少尹以尹為留守少尹為副留守謂之三都留

守 宋制天子巡狩親征則命親王或大臣總留守事建隆元年親征澤潞以樞密使吳延祚為東京留守其西南北京留守各一人以知府事兼之西北京河南南京應天北京大名分紀留守司掌官鑰及京城守衛修葺彈壓之事畿內錢穀兵民之政建炎初京城有副留守以檢校少傅寧武軍節度使范訥充留守以侍衛親軍都指揮使遂安軍承宣使郭仲荀副之又有西京留守並係執政從臣充兼節制軍馬其後武林建鄴並建行宮武林視汴都而建鄴視三都焉紹興四年參知政事孟庾為行官留守從權措置百司事務六年有行官同留守以左通奉大夫孟庾提舉萬壽觀兼詔二留守並權赴尚書省治事是年八月三省已降程事務並聽行官留守司與洪詔奉檄孟庾並權赴尚書省治事

都廂

宋朝大中祥符元年置京新城外八廂真宗以都門之外居民頗多舊例惟赤縣尉主其事至是特置廂吏命京府統之天禧

五年增置九廂興寧三年五月詔以京朝官曾歷通判知縣者

四人分治京城四廂其先差使凡民有鬪訟事輕者得以決遣

從知開封察言逐廂一月之內斷決事件不多欲止令京朝官二員分領

二廂決斷所舊來四廂使仍舊存元祐四年知開封謝景溫請

於新城內外左右置二廂通為四廂四年罷紹聖元年復置紹

興中臨安府先依開封例於城外南北廂置主管公事近又於

城內左右廂添置官二員分減在城詞訟其後臣僚言將在城

左右廂廢罷其廂官二員移往城南北廂紹興二十六年六月

安府先依開封府例於城外南北廂置主管公事近又於城內

左右廂添置官二員欲令減在城詞訟本府每日詞訟十有七

八並判送二廂逐廂公吏徇情曲法非理迫人並不係公行遣

送下詞訟既多有非廂官所能行者一切不決州府既不與決

而府張官置吏不少見今城南北廂官全闕欲乞將在城左右

廂廢罷其廂官二員却移在城北廂所有

職官考卷之三 崇寧二年重刊

郡太守

郡守秦官秦滅諸侯以其地為郡置守丞尉各一人守治民丞佐之尉典兵漢景帝中元二年更名郡守為太守凡在郡國皆掌治民進賢勸功決訟檢奸常以春行所主縣秋冬遣無害吏按訊諸囚平其罪法論課殿最按律有無害都吏言如公平主吏併舉孝廉漢制歲盡遣上計掾吏各一人條上郡內衆事謂之計偕簿郡為諸侯王國者置內史以掌太守之任宣帝以為太守吏民之本數變易則下不安民知其將久不可欺罔乃服從其教化每拜刺史守相輒親見問觀其所繇退而考察以質其言正常稱曰與我共治者唯良二千石乎是以漢世良吏於是為盛稱中興焉元帝建昭二年益三河大郡太守秋凡戶十二萬為大郡帝又下制令諸侯王相位次太成帝綏和元年省內史以相治民則相職為太守哀帝初夫王嘉上疏曰公卿以下變易從急數改更政事吏或居官數月而退送故迎新交錯道路二千石輕賤吏人慢易則有離叛

守曰大尹後漢亦重其任或以尚書令僕射出為郡鍾離意榮胡廣或自郡守入為三公虞延第五倫桓相內史晉郡守皆加將軍無者為恥守王導永嘉末還丹陽太曰昔魏武達政之主也荀文若功臣之最也封不過亭侯倉舒愛子之寵贈不過別部司馬今者臨郡不問賢愚皆加重號有鼓蓋有不得者為耻導饗名竊位取泰彝典謹送鼓蓋如崇之物請從導始帝嘉而從之又大始中詔守相二載一巡瀾必以春此古者所以迎職省俗宜風儀義也又山公啓事曰晉制春夏農月不遷改長吏郡守縣令之屬以其妨農事故也晉宋守相內史並銀章青綬進賢兩梁冠後魏初郡置三大

守說在刺孝文初二千石能靜二郡至三郡者遷為刺史說在篇太和中次職令郡太守內史相縣令並以六年為限北齊制郡為上中下三等每等又有上中下之差自上上郡至下下郡



凡九等 後周郡太守各以戶多少定品命 隋郡太守如北  
 齊九等之制至開皇三年罷天下諸郡以州統縣曰當今郡縣  
 倍多於古十羊九牧人少官多請存要去開併少為大帝嘉之遂罷諸郡 大業三年又改州為郡郡  
 置太守

唐武德元年改郡為州改太守為刺史加號持節總管則加使  
 制有使持節持節假節使持節同假節唯軍事得發化令者皆無  
 官人若軍事得發使持節同假節唯軍事得發化令者皆無  
 史兼總軍戎若令擇訪節度使也自宋齊以降雖天下分裂其  
 州郡漸眾及隋開皇初有州三百一十郡五百八以官煩人弊  
 遂廢郡便以州親人則刺史如太守之職自後鮮官名屢改而  
 職事不易蓋制置之際不詳源本因習舊名遂有持節諸軍之  
 虛稱其為官別駕以下錄事功戶諸曹參軍事亦多漢晉之制  
 若今之節度使訪副使判官之任本置別駕乘一車行部其參  
 軍錄事皆佐戎旅今並無其實豈所別駕乘一車行部其參  
 刺史持節軍事之名以為榮寵則邊荒萬里三數百戶小郡亦  
 同此號又無以別遠近大小之差輕重開劇之異也頭漢後加  
 元年都督府及上州各置執刀十五人中下州各置十人後加  
 號為使持節諸軍事而實無節但頒銅魚符而已天寶元年改  
 州為郡刺史為太守漢文帝二年初興郡守為銅虎符竹使符

龍符於東方總管刺史西方以騶虞南方朱雀北方玄武九年  
 又頒木魚符於總管刺史雖一惟三至十年悉頒木魚符於五  
 品以上官義寧二年罷竹使符頒銀魚符於自是州郡史守更  
 諸郡唐武德元年又改銀魚符為銅魚符 自是州郡史守更  
 相為名其實一也太宗初理天下也重親人之任疏督守之名

于屏俯仰視焉其人善惡必書其下是以州郡無不率理貞觀  
 敦實為饒陽令有能名時制大功以下不得連官敦實兄敦順  
 後為瀛州刺史朝廷以其兄弟廉謹許令同川竟不遷替時人  
 榮之逮貞觀之末升平既久郡士多慕省閣不樂外任其折衝果  
 毅有材力者先人為中郎郎將次補郡守其輕也如是 武太

后臨朝垂拱二年諸州都督刺史宜准京官帶魚長安四年納  
 言李嶠同平章事唐休瓌奏曰竊以物議重內官而輕外職凡  
 所出守多因貶累非所以澄風俗安萬人臣請擇才於臺閣省  
 寺之中分典大州共康庶政臣等請輟近侍率先具寮太后乃

令書名採之中者當行於是鳳閣侍郎韋嗣立御史大夫楊再  
 思等二十人中之皆以本官檢校刺史後二十人回以政績可  
 稱者獨常州刺史薛光



取官 唐書 卷之三十三 六

謙徐州刺史司當時復有為員外刺史者永昌中成王李千里馬鍾二人而已神龍初以譙王重福之妃張易之甥也開元中定天下州府自

京都及都督都護府之外以近畿之州為四輔同華岐蒲四州都督刺史品甲者借緋魚袋按武德令三萬戶以上為上州永

徵令二萬戶以上為中州先以上為上州中州者仍舊至開元十八年上州二萬戶以上為中州先以上為上州中州者仍舊至開元十八年

三月勅太平時久戶口日殷定中州者仍舊至開元十八年千戶為中州不滿二萬戶為下州六千戶以上為上州二萬五

上縣三千戶以上為中縣不滿二千戶為下縣其餘為六雄鄭陝亦稱懷魏十望宋毫滑許汝晉洛魏十紫初有十紫州後

復具及上中下之差凡戶四萬以上為上州二萬五千以上為別勅為上州者又為近畿者為畿內州戶雖不滿四萬亦為上

州其親王任中下州刺史者亦為上州王去任後即依舊武天寶中通計天下上州一百九中州二十九下州一百八十九總

三百八十七州也特南海太守劉巨鱗以賊罪詔殺之自至德之後州縣凋弊刺史之任大為精選諸五代時仍刺史之號

有州始兵鎮刺史皆加團練使故其任重矣五代時仍刺史之號後唐時以二十五月為限宋太祖開基革五季之患召諸鎮

會于京師賜第以留之分命朝臣出守列郡號權知軍州事

軍謂兵州謂民政焉其後之武官參為知州軍事二品以上及

帶中書樞密院宣徽使職事稱判太守掌總理郡政宣布條教

導民以善而糾其姦慝歲時勸課農桑旌別孝悌其賦役錢穀

獄訟之事兵民之政皆總焉凡法令條制悉意奉行以率所屬

有赦宥則以時宣讀而班告于治境舉行祀典察郡吏德義材

能而保任之若疲軟不任事或奸貪冒法則按劾以聞遇水旱

以法賑濟安集流亡無使失所若河南應天大名府則兼留守

司公事太原府延安府慶州渭州熙州秦州則兼經畧安撫使

馬步軍都總管定州真定府瀛州大名府京兆府則兼安撫使

馬步軍都總管瀘州潭州廣州桂州雄州則兼安撫使兵馬鈐

轄穎昌府青州鄆州許州鄧州則兼安撫使兵馬鈐

轄府或沿邊州郡或當一道衝要者並兼兵馬鈐轄巡檢都監

或帶沿邊安撫提轄兵甲邊溪峒都巡檢餘州軍則否其屬




官有無及負數多寡皆視一地望之高下與職務之繁簡而置之建炎元年詔河北京東西路除帥臣外舊差文臣知州去處許通差武臣一員後詔要帶本路兵馬鈐轄次要部帶本路兵馬都監紹興三年罷武臣七月詔要帶文臣帶本路兵馬鈐轄武臣副之令遂以改正稱呼至紹興三年臣察言與與事體不同又於今日諸州統制無補徒著名位以成虛文詔五年令郡守除授罷並令上殿凡從官出知郡者特許不避本貫九年詔應守臣以二年為任六年詔控扼去處守臣並以三年為任九年罷令郡守並帶提舉學事九月禮部言知郡宜知以前應知通令佐借銜並帶提舉學事自軍興以來中令結銜從之孝宗乾道三年令不任守臣不為郎中書令會已降指揮非曾任守臣應照中令郡守罷帶提舉學事不得除兩官著入條令

郡尉

郡尉秦官有郡尉掌佐守典武職甲午漢凡郡口二十萬舉一人典兵禁備盜賊景帝更名曰都尉武帝元鼎四年又置三輔都尉各二人譏出入邊郡置農都尉主屯田殖穀又置屬國都尉主蠻夷降者中興建武七年省諸郡尉并職太守無都試之漢舊儀曰民年二十三為正一歲以為備士一歲為材官騎役士習射御馳陣八月太守都尉令長相丞尉會都試課殿最水軍為樓船亦習戰射年五十六老衰乃得免為民就田今乃罷其役焉每有劇賊郡臨時置都尉事訖罷又省關都尉唯邊郡往往置都尉及屬國都尉宋志曰郡尉後往往置東稍有四部都尉稍有分縣治民比郡安帝以西羌盛三輔有陵園之守乃復置右扶風都尉於雍京兆虎牙都尉於長安自後無聞至隋煬帝時別置都尉領兵與郡不相知又置京輔都尉立府於潼關主兵鎮唐無其制

按自秦置三十六郡而郡官有守有尉有丞然考之西漢百官表稱郡守掌治郡秩二十石有丞秩六百石郡



尉掌佐守典武職秩比二千石有丞秩亦六百石是守尉皆二千石而俱有丞以佐之尉之尊蓋與守等非丞掾以下可疑也酷吏傳言周陽由為守視都尉如令為都尉陵太守奪之治明守不可卑視尉也然武帝欲以甯成為郡守公孫弘言成為濟南都尉其治如狼牧羊不可令治民又帝拜吾丘壽王為東郡都尉帝以壽王故不復置太守是時軍旅數發年歲不熟多盜乃賜壽王王璽書曰子在朕前之時知略輻湊以為天下少雙及至連十餘城之守任四千石之重守尉皆二千石壽王兼二任故云四千石也職事並廢盜賊縱橫甚不稱前時壽王謝罪又翟義為南陽都尉行太守事行縣至宛以事按宛令下之獄威震南陽則知漢時都尉蓋不特典軍而未嘗不行太守之事也魏晉以後無都尉之官然晉郡守皆加將軍

之號唐郡守曰使持節諸軍事宋朝則大郡皆兼兵馬總管兵馬鈐轄而小壘亦曰軍州事或帶節制軍馬則秦漢所謂都尉之職歷代以太守兼任之亦以一郡掌兵權之官不可下於太守故不別置官而守就治其事猶宰相之兼元樞是也通典叙郡尉而以置之郡佐之未非是故今以次郡守

郡丞別駕 長史 司馬 通守 通判

秦置郡丞以佐守在邊為長史掌兵馬漢因之于定國條州大小為設吏員治中別駕諸郡從事秩六百石 晉因之而省郡丞唯丹陽不省 宋梁以下復置至 隋改別駕治中為長史司馬蓋隋以州為郡無復軍府則州府之職參為郡官故有長史司馬煬帝罷之而置通守又置郡督治後又改為丞位在通守下至 唐而郡丞廢矣武德元年改丞為別駕十年改雍州

別駕曰長史高宗即位改別駕皆為長史別駕以皇族為之開  
元始通用庶姓以貳都督刺史之職天寶八年諸郡始廢別駕  
玄宗由潞州別駕入定內難登大位乃廢別駕下郡置長史一  
員上元二年諸郡始置別駕別駕一人從四品百官志德宗時復省元和長  
慶之際兩河用兵裨將有功者稱東宮王府官久次當進及受  
代于京師者常數十人訴宰相以求官文宗詔宰相韋處厚建  
議復置兩輔六雄十望十緊州別駕 宋藝祖懲五代藩鎮之  
弊乾德初下湖南始置諸州通判命刑部郎中賈玘等充建隆  
四年詔知府公事並須長史通判發議連書方許行下時大郡  
置兩員西京南京天雄成德益杭并晉荆南潭廣秦定等州餘置一員州不及萬戶不置  
廣南小州有試秩充通判兼知州者正刺史以上及諸司使副  
知州者雖小郡亦特置天聖三年中書門下言新設院州團練及知州無同判處權置同判候差朝臣及內職知州即行省罷掌倅貳郡政與長史均禮凡兵

民錢穀戶口賦後獄訟聽斷之事可否裁決與守通簽所部官  
有善否及職事修廢得刺舉以聞至景德永興三十四年戶口  
寢息解州以滿萬戶置通判自是諸郡多滿萬戶矣宣和二年  
詔諸州茶鹽香礬並委通判此事據續會要曰通判常半水與以後通判掌經制總制錢會要亦不載當考建炎初諸州通判二員減一員紹興五  
年以後旋行申請添置帥府通判並以兩員為額  
司馬本職武之官自魏晉以後刺史多帶將軍開府者則置府  
寮司馬為軍府之官理軍事晉謝奕字無奕桓溫辟為安西司馬在溫座岸憤嘯詠如常溫曰我  
方外司宋制司馬銅印墨綬絳朝服武冠至隋廢州府之任無  
復司馬而有治中馬治中舊州職也舊謂隋州廢遂為郡官  
治中後開皇三年改治中為司馬隋房恭懿為澤州司馬有異  
最文帝曰此乃上天社稷之所初煬帝又改司馬及長史併置  
豈朕寡薄能致之乎遷海州刺史煬帝又改司馬及長史併置  
贊治一人尋又改替治為郡丞唐武德初復為治中貞觀二十

職官考卷之三

三年高宗即位遂改諸州治中並為司馬長安元年洛雍并荆揚益六州置左右司馬各一員四年復舊大極元年又置所職與長史同

白居易江州司馬廳記自武德以來庶官以便宜制事大攝小重侵輕郡守之職總於諸侯帥郡佐之職移於部從事故自五大都督府至於上中下郡司馬之事盡去惟負與俸在凡内外文武官左遷右移者通居之凡執役事上與給事於省守軍府者遥署之凡仕久資高耄昏懦弱不任事而時不忍棄者實涖之涖之者進不課其能退不殿其不能才不才一也若有人蓄器貯用急於兼濟者居之雖一日不樂若有養志忘名安於獨善者處之雖終身無悶官不官係平時也適不適在乎人也江州在任廬右江湖土高氣清富有佳境刺史守土臣不可遠觀遊群吏執事官不敢自暇俟惟司馬綽綽可從容於山水詩酒間由

是郡南樓山北樓水溢亭百花亭望石巖瀑布廬宮潭洞東西二林寺泉石松雪司馬畫有之矣苟有志於更隱者捨此官何求焉按唐六典上州司馬秩五品歲廩數百石月俸六七萬官足以充身食足以給家州民康非司馬功郡政壞非司馬罪無言責無事憂噫為國謀則一素之尤蠹者為身謀則禄仕之優穩者予佐是郡行四年矣其心休休如一日二日何哉識時知命而已又安知後之司馬不有與吾同志者乎因書所得以告來者

按漢所置郡佐只丞及長史而已其後又有治中別駕至魏晉間始有司馬本主武之官自後長史司馬與治中別駕迭為廢復然歷代皆並設二員至唐而司馬多以處遷謫蓋視為冗員故宋只設通判一官佐郡守不仍前代之舊云

容齋洪氏隨筆曰今世士大夫既貴不可復賤淳化中北  
戎入寇以殿前都虞候曾璩知定州時趙安易官宗正少  
卿已知州遂就徙通判同時有羅延吉者既知彰祁絳三  
州而除通判廣州滕中正知興元府而通判河南袁郭知  
楚鄆二州會秦王廷美遷置房州詔崇儀副使閻彥進知  
州而以郭通判州事范正辭既知戎藩二州而通判稜深  
又陳芳拙歷知單州殿中侍御史西川轉運使召歸會李  
至守洛都表為通判久之柴禹錫鎮涇州復表為通判連  
下選而皆非貶降近不復有矣  
漢藝祖之設通判本欲懲五季藩鎮專愆之弊而以儒  
臣臨制之號稱益州蓋其官雖郡佐而其人間有出於  
朝廷之特命不以官資之崇庠論如野處所 言是也其  
與後來之汎汎以半刺稱者不侔矣

教授

漢郡國有文學文翁治蜀起學成都市招下縣子弟以為學官  
弟子 武帝時天下郡國皆立學校官自文翁為之始云 平  
帝時郡國曰學縣道邑侯國曰校校學置經師一人鄉曰庠聚  
曰序序庠置孝經師一人 魏晉以下郡國並有文學即博士  
助教之任唐六 隋潘徽為州博士 唐府郡置經學士各一  
人掌以五經教授開元二十六年勅州縣每鄉之內各置一學  
仍擇師資令其教授 宋初有四書院廬山白鹿洞太平興國  
州周述言廬山白鹿洞學徒常數 嵩陽書院至道二年賜額  
十百人望賜九經詔乃從其請 應天府書院祥符二年新  
建書院咸平四年鄆州守臣李允則奏嶽麓山書院修廣舍宇  
之應天府書院咸平四年鄆州守臣李允則奏嶽麓山書院修廣舍宇  
餘人許讓郭承範董循陳與王彌騰涉皆其門人同文卒後無  
能繼其業者至是始有是命并賜院額此四書院之外又有茅  
院 未建州學也乾興元年兗州守臣孫奭私建學舍聚生徒

乞請太學助教楊光輔充本州講從之餘鎮未置學也景祐四年詔藩鎮始立學他州勿聽也寶元元年穎州守臣蔡齊請立學時大郡始有學而小郡猶未置也自明道景祐間累詔州郡立學賜田給事學校相繼而興近制惟藩鎮立學穎為支郡齊以為言而特許之慶曆四年詔諸路州軍監各令立學學者二百人以上許更置縣學於是州郡不置學者鮮矣又置教授以三年為一任以經術行義訓導諸生掌其課試之事而糾正不如規者委運司及長史於幕職州縣官內薦教授或本處舉人舉有德藝者充當時雖置教授或用兼官或舉士人委於漕司而未隸朝廷也熙寧六年詔諸路學官並委中書門下選差至是教授始命於朝廷矣元豐元年州府學官共五十三員諸路唯大郡有之軍監蓋未盡有也元祐元年詔齊廬宿常等州各置教授一員自是以後列郡多有教官矣建炎三年教授並罷紹興三年復置四十二州十二年詔無教授官州軍

今吏部申尚書省選差十三年詔諸州軍並各置教授其禮部長貳正係所隸合依崇寧大觀格法許按劾體量及歲舉改官從司業高閱之請也二十六年詔並不許兼他職令提舉司常切遵守從知郢州路探之請也若試教官則始於元豐元豐七年立法試學官上等為博士下等為正錄願授教授者聽中丞胡宗愈言學者初登科遂領師席非是詔內外學官經任年至三十方得在選又有薦舉學官法紹聖初乃令中制科及進士第在上五人禮部奏名在上三人府監廣文館第一人或從太學上舍得第即不試而用元符元年詔學官歲一試紹興五年罷試學官科十五年詔諸州教授自來春始添差教授則始於政和政和三年詔入行添差諸州教授

朱子漳州教授廳壁記教授之為職其可謂難矣惟自任重而不苟者知之其以為易而無難者則苟道也何也曰教授者以天子之命教其邦人凡邦之士廩食縣官而充弟子員者多至五六百餘少不下百十數皆惟教授者是師其必有以率厲化服之使躬問學蹈繩渠出入不悖所



聞然後為稱此非反之身而何以哉是可不為難矣哉不  
特此爾又當嚴先聖先師之典祀領護廟學而守其圖書  
服器之藏其體至重下至金穀出納之纖悉亦皆獨任之  
嗚呼是亦難矣然凡仕於今者無大小莫不有所臨制統  
攝其任無劇易必皆具文書使可覆視是以雖甚弛者亦  
有所難而不敢肆獨教授官雖有統若其任之本諸身者  
則非簿書期會之所能察至其具於有司而可考者上之  
人又以其儒官優容之雖有不合不問以是為便故今之  
仕者反利焉而喜為之而孰知所以充其任者如彼其難  
哉故曰惟自任重而不苟者知之其以為易而無難者則  
苟道也

錄事參軍

後漢有郡主簿官在漢魏間及江左為督郵主簿皆太守自辟除晉置本為

公府官非州郡職也掌總錄舉曹文簿後魏洎隋皆有錄事

參軍及羅郡以州統縣湯帝置郡有東西曹掾及主簿 唐武

德復為錄事參軍開元改司錄參軍掌正違失蒞符印 後唐

應順開州置錄事參軍三考者主劇縣以宋朝沿唐制州有

錄事參軍然不盡置也諸府為司隸諸州為錄事乾興元年丁

度申請諸州始各置錄事參軍慶曆二年河西河東陝西諸州

權令京官知錄事參軍熙寧三年詔繁難去處錄事參軍並差

職官知縣及奏舉縣令人充政和三年尚書省言州建六曹參

軍參軍之稱起於行軍之際恐不當襲錄事參軍欲改為司隸

奉聖旨參軍改為掾建次初復舊名錄事堂州縣庶務糾諸曹

掾選節道中汪大猷申請依司理例不兼他職從之

兩漢有功曹史主選署功勞後漢范滂字孟博汝南太守宗資

請為功曹委任政事抽拔幽陋不

司功參軍司倉中正

司兵五官錄

督郵司士

藝者皆掃地諡曰汝南太守范滂南陽宗資去畫諾又李暉  
字公孝南陽太守成瑨諱為功曹諡曰南陽太守公孝以農  
成瑨但坐嘯又諡功字子將為功  
曹府中聞子將為吏莫不改器歸行歷代皆同北齊諸州有功  
曹參軍隋亦然及罷郡置州以曹為名者改曰司煬帝罷州置  
郡改曰司功書佐唐改曰司功參軍開元初京尹屬官及諸都  
督府並曰功曹參軍而列郡則曰司功參軍今掌官園祭祀禮  
樂學校選舉表疏醫巫考課喪葬之事

司倉參軍兩漢有倉曹史主倉庫北齊以下並同功曹唐亦掌  
倉庫庖厨財物墾市之事

司兵參軍漢司隸屬官有兵曹從事史蓋有軍事則置之以主  
兵卒北齊以後並同功曹 唐掌軍防烽驛傳送馬門禁田

獵儀仗之事司士參軍兩漢無聞北齊以後與功曹同唐掌管  
河津營造橋梁解宇之事

軍事後漢靈帝時陶謙以幽州刺史參司空車騎張溫軍事

晉時軍府乃置為官員

中軍羊祜置參軍二人 太尉楊濟置參軍六人

歷代皆有至隋

為郡官謂之書佐唐改為參軍掌直侍督守無常職有事則出

使前代又有行參軍者晉河間王頌以太宰輔政始

經學博士漢郡國皆有文學掾漢鄭崇為郡文學後漢光武問

祿何所至平鄧禹曰臣歷代多闕隋潘徽為唐府都置經學博

士各一人掌以五經教授學生多寒門鄙儒為之助教學生

醫博士一人唐開元十一年七月制置階品同錄事州寫本

草百本集驗方與經史同貯其年九月御撰廣濟方五卷頒天

下貞元十二年二月御撰廣利方五卷頒天下自今以後諸州

府應闕醫博士宜令長史各自訪求選試取人藝業優長堪效

用者具以名聞已出身人及前資官便與正授其未出身且令

權知四考後州司奏與正授餘准恒式吏部更不須選集

中正魏置中正之始已晉諸中正率一國所推臺閣取信後魏

具州中正篇



孝明正光元年罷諸郡中正北齊郡縣皆有之他州多闕隋初有後罷而有州都唐並無此官每歲貢士符書所關及鄉飲酒之禮則司功參軍主其事

通守隋煬帝置每郡各一人位次太守而京兆河南謂之內史唐無五官掾後漢有之署功曹及諸曹事今無

督郵漢有之掌監屬縣有東西南北中部謂之五郡督郵也故

督郵功曹之極位漢尹翁歸為河東督郵時太守田延平分河南舉法皆得其罪屬縣

長吏雖中傷莫有怨者

右司功參軍司倉司兵司士中正五官掾督郵七職宋無

司理

五代以來諸州皆有馬步獄以牙校充馬步都虞候掌刑法謂之馬步院 宋太祖慮其任私高下其手開寶六年始置諸州

司寇參軍以新進士及選人 之後改為司理掌獄訟勸諭

事不兼他職元祐定令上州 八品中下州九品

司法

兩漢有決曹賊曹掾主刑法法代皆有或謂之賊曹隋唐更革

與司 唐掌律令定罪盜賊贓贖之事 宋沿唐制諸州置司

法參軍掌議法斷刑品同紹興三年權行減罷後復舊

司戶

漢魏以下有戶曹掾主民戶北齊以下與功曹同隋有戶曹參

軍文等時為司戶參軍煬帝為司戶書佐唐開元復為戶曹參

軍掌戶口籍帳婚姻田宅雜徭道路之事在府為曹 在州為司 梁開平

省六曹掾屬署戶曹一員通判六曹 宋朝沿唐制諸州置司

戶參軍掌戶籍賦稅倉庫交納元祐令中州從八品下州從九

品乾道六年汪大猷乞令司戶專差主倉庫

縣令

周官有縣正四百里各掌其縣之政令而賞罰之 春秋時列

國相減多以其地為縣則縣大而郡小故傳云上大夫受縣下

大夫受郡周書作佈篇曰千縣邑之長曰宰曰尹曰公曰大大

晉謂之大夫魯衛謂之宰楚謂之公尹其職一也孔子為中都宰一年四方至于

戰國則郡大而縣小矣故甘成謂秦武王曰宜陽大縣名曰縣

其實郡也 漢制列侯所食縣曰國皇太后公主所食曰邑有

亭夷曰道比縣萬戶以上為令減萬戶為長侯國為相秩次亦

如之皆秦制也漢因之漢書曰比縣大率方百成帝綏和元年

長相墨綬哀帝建平二年復黃綬秋冬集課上計於所屬郡國

胡廣云秋冬歲盡各計縣戶口墾田錢糧出入出盜賊多少上集

簿丞尉以下歲詣郡課按其功多尤為最者於歲時勞績之

以勸其後負多尤為殿者於後曹對書以糾怠慢也又漢官目

明帝臨觀見洛陽令車騎意河南凡及至而非其泰盛務去

軒綬時優師長治有能名以事請其郡有監官獄官工官都水

臺因取賜之下縣遂以為故事

官者隨事廣狹置令長及丞秩序皆如縣道無分土給均吏

凡郡縣出鹽多者置鹽官主鹽稅出鐵多者置鐵官主鼓鐵有

工多者置工官主稅物有水池及魚利多者置水官主平水牧

漁稅在所諸縣均差吏更晉制大縣令有治績官報以大郡公

給之署吏隨事不具縣員啓事曰溫令許奇等並允能名雖在職各日淺宜顯報大都以

勤天下詔曰案其資歷悉自足為郡守各以在職日淺則宜盡

共政績不宜速他轉也不經宰縣不得入為臺郎宋諸縣署令銅印墨

綬進賢兩梁冠自晉宋以後令長國相皆如漢制後魏縣置三

令長說在刺孝文初制縣令能靜一縣劫盜者兼理二縣即食

其祿能靜三縣者兼理三縣三年遷為郡守二千石能靜二郡

者兼理至三郡亦如之三年遷為刺史太和中次職令其祿甚

厚後魏孝文以北平府長史裴聿中書侍郎崔亮並清貧欲其

以俸祿優之乃以亮帶野王令聿帶溫縣令時人榮之後令長用人益雜但選勤舊令史為之而縉紳之流恥居其位

北齊制縣為上中下三等每等又有上中下之差自上上縣至

下下縣凡九等然猶因循後魏用人濫雜至於士流恥居之元

文遙遂奏於武成帝請之乃密令搜揚世胄子弟恐其辭訴總  
召集神武門宣旨慰諭而遣自此縣令始以士人爲之 隋縣  
有令有長煬帝以大興長安河南洛陽四縣令並增正五品諸  
縣皆以所管開劇及衝要之處以爲等級唐縣有赤三府共畿  
八十望六十緊百一上四百四中二百九下五百五六等之差  
其餘則以戶口多少資地美惡爲差 凡一千五百七十三縣令  
各一人 五代任官凡齷齪無能者始注爲縣令故天下之邑  
者誅求刻剝 宋朝建隆元年應天下諸縣除赤畿外有望緊  
上中下四千戶爲望三千戶以上爲緊二千戶以上爲上爲下掌總  
治民政勸課農桑凡戶口賦役錢穀賑濟給納之事皆掌之有  
孝悌行義聞于鄉閭者申州激勸以勵風俗有戍兵則兼兵馬  
都監或監押三年始以朝臣爲知縣其間復參用京官或幕職  
爲之朝臣知縣自大理正奚天聖間天下多缺官而令選尤猥

下貪庸耄懦爲清流所不與而又不得調乃爲縣令人數言其  
病民乃詔爲舉法以重令選凡知州轉運使歲舉見任判司簿  
尉有罪非賍私有出身三考無出身四考堪爲令者一人或二  
人自是人重爲令令選稍精慶曆間詔天下知縣非鞠獄毋得  
差政和二年詔縣令以十二事勸課農桑宜各遵行上副朝廷  
一日敦本業二日興地利三日戒游手四日謹時候五日戒苟  
簡六日厚蓄積七日備水旱八日戒宰牛九日置農器十日廣  
栽植十一日無妄訟十二日自政和以來太平盛時人皆重內輕外士大  
夫皆輕縣令之選吏部兩選不注者甚多然後議所以增重激  
勸之法宣和五年縣令止差六十以下人從刑選判王靖康初  
詔初政官必爲縣七月詔三省申明舊制今後不以堂除吏部  
遺紹興七年詔將寺監丞簿等任滿已改官人未歷民事者各  
與堂除知縣一次並借緋章服九年詔吏部自後縣令差文臣  
臣寮奏建炎以來始注乾道元年詔京官知縣以二年爲任雖  
武臣爲害甚衆故也

屢有更革卒以三年為任二年詔吏部依四川專法施行並以三十箇月為任從吏部陳之茂請至三年詔依舊以三年為任九年復以二年為任從吏部李彥穎請置淳熙二年復以三年為任從王師愈之請也二年御筆令後非兩任縣令不除監察御史初改官人必作令謂之須入紹興初數申嚴之後或廢孝宗在位持之甚嚴慶元初復詔除殿試上三名省元外並作邑五年又令試大差評事已改官未歷縣人並令親民一次著為令舊捕盜改官人並試邑自後雖宰相子殿試科甲人無不宰邑者矣

縣丞

漢氏縣丞尉多以本部人為之三輔縣則兼用他郡諸縣皆有主刑獄囚徒後漢署文書典知倉獄署諸曹掾史比諸縣署丞皆銅印黃綬進賢一梁冠自晉後無丞宋惟建康有獄丞及隋氏革選盡用他郡人漢以下皆用一人唐置京縣丞三員北京太原晉陽各置一人高宗始為品官吏部選授為

縣令之貳宋初不置丞天聖中因蘇者請開封兩縣始各置丞一員在簿尉之上仍於有出身幕職令錄內選充時兩縣簿尉本縣闕官故舊有此請皇祐中詔赤縣丞並除新政官人熙寧四年編修條例所言諸路州軍繁劇縣令尹二萬已上增置縣丞一員以幕職官或縣令人充元祐元年詔應因給納常平免役置丞並行省罷如委是事務繁劇難以省罷處令轉運司存留崇寧二年宰臣蔡京言熙寧之初修水土之政行市易之法興山澤之利皆王政之大請縣並置丞一員以掌其事國史外補云縣丞不以邑之大小皆得置丞使大觀三年詔昨增置縣丞內除舊額及萬戶以上縣令委是事務繁冗并雖非萬戶實有山澤坑冶之利可以興修去處依舊存留外餘皆減罷建炎元年詔縣丞係嘉祐以前員闕并萬戶處存留一員餘並罷紹興三年以淮東累經兵火權罷縣丞十八年置海陵丞一員嘉定後小邑



不置丞以簿無

主簿

漢晉有之自漢以來皆令長自調用至隋始置之唐主簿  
上轄赤縣置二人他縣一人武德初以流外為之高宗始以為  
品官吏部選授掌付事勾當省置抄目糾正縣內非違宋朝  
開寶三年詔諸縣千戶以上置令簿尉四百戶以上置令尉令  
知主簿事四百戶以下置簿尉主簿兼知縣事咸平四年王欽  
若言川峽縣五千戶以上請並置簿自餘仍舊以尉兼從之天  
禧五年劍州梓潼等各增主簿皇祐五年詔南川縣置主簿嘉  
祐五年婺州義烏永康武義浦江四縣置主簿熙寧四年陝西  
河東沿邊城寨置主簿

縣尉

漢大縣兩尉小縣一人漢官儀後漢百官志長安有四尉分為左右部城

東南置廣部尉是為左部城西北置明部尉是為右簿並四百  
石黃綬大寇主追捕盜賊伺察奸非魏因之晉洛陽建康  
皆置左部尉宋齊梁陳並因之餘縣如漢制諸縣道尉銅印  
黃綬朝服武冠北齊郡縣置三尉隋改為正後置尉又分為  
戶曹法曹唐初因隋制武德元年萬年縣法曹孫伏伽論事是也武德中復改為  
正七年復為尉赤縣置六員他縣各有差分判諸司事高宗時  
為品官吏部選授五代久廢而盜賊鬪競則屬鎮將宋朝  
建隆三年始每縣復置尉一員在主簿之下俸賜與主簿同其  
餼料只許勾當鎮下煙火爭競公事至和二年開封祥符兩縣  
增置一員元豐五年詔重立法地縣尉並差使臣元祐元年蘇  
轍言舊法縣尉皆用選人近歲並用武臣自改法已來未聞盜  
賊為之衰息請復舊法詔除沿邊縣尉依舊外餘並差選人崇  
寧元年詔重法地縣尉差舊武臣處並依元豐法

職官

京府

文獻通考卷之三

三

崇禎三年重刊

按後之稱縣佐曰丞簿尉然而漢書百官志所載只丞尉而已簿雖起于漢而志無之又丞尉雖皆縣佐而各有印綬簿獨無蓋古者官府皆有主簿一員上自三公及御史府下至九寺五監以至州郡縣皆有之所職者簿書蓋曹掾之流耳漢人所謂高士不為者御史府之主簿也容齋隨筆言元豐令文寺監主簿專以鈎考簿書為職不得與卿丞聯署文書然則主簿之官雖在雄要之司猶為卑賤而况縣乎後漢繆彤為縣主簿縣令被章見考吏皆畏懼自誣而彤獨證其枉考掠苦毒換五獄閱四年令卒自免又寧陽縣主簿詣闕訴其縣令之枉積七八歲不省虞詡言主簿所訟乃君父之怨百上不達是有司之過仇覽為蒲亭長考城令王渙聞其以德化人署為主簿以是觀之則主簿之在漢其視縣

令猶掾史之視使長安得與丞尉等後來以簿先於非古義也

### 鎮戍關市官

隋鎮置將副戍置主副關市置令丞唐因之各有上中下三等關令古官戍主晉宋之顯職鎮將後周之通班今以其甲職與隋制同故舉齊而已宋制諸鎮監官掌巡邏盜竊及火禁之事兼征稅權酷則掌其出納會計鎮寨凡杖罪以上並解本縣餘聽決遣

漢文帝元年始用宋昌為衛將軍位亞三司 後漢章帝建初三年始使車騎將軍馬防班同三司同三司之名自此始也 殤帝延平九年鄧騭為車騎將軍儀同三司儀同之名自此始也 又獻帝以伏完為護國將軍儀比三司 魏黃權以車騎將軍開府儀同三司開府之名自此始也 漢末奮威將軍晉江右伏波輔國將軍並加大而儀同三司江左以來將軍則中鎮撫四鎮以上或加大餘官則左右光祿大夫以上並得儀同三司 齊開府儀同三司如公 梁開府儀同三司位次三公諸將軍左右光祿大夫優者

非古葬也

今辭對史之師對是史對與丞丞對等對來以儀共計

文獻通考卷之六十四

宋 郗陽 馬端臨 貴與 著  
明 蘄陽 馮天馭 應房 校刊

職官考 文散官

開府儀同三司

漢文帝元年始用宋昌為衛將軍位亞三司 後漢章帝建初三年始使車騎將軍馬防班同三司同三司之名自此始也 殤帝延平九年鄧騭為車騎將軍儀同三司儀同之名自此始也 又獻帝以伏完為護國將軍儀比三司 魏黃權以車騎將軍開府儀同三司開府之名自此始也 漢末奮威將軍晉江右伏波輔國將軍並加大而儀同三司江左以來將軍則中鎮撫四鎮以上或加大餘官則左右光祿大夫以上並得儀同三司 齊開府儀同三司如公 梁開府儀同三司位次三公諸將軍左右光祿大夫優者



則加之同三公置官屬自晉以來又有如開府同三司之儀者  
 自羊祜始焉漢末呂布開府如三司其他無聞至晉羊祜為車  
謙讓不辟士不備僚屬及始有所命辟士未到而卒不得除署  
後當陽侯杜元凱表哀其家無胤嗣官無命士請更議之詔不  
許江左亦多有之梁沈約為侍中右光祿大夫徐勉為約請三  
湖州刺史王茂為使持節散騎後魏亦有之晉泰初特以爾朱  
常侍驛騎將軍並同三司之儀世隆為儀同三司位次上公北齊亦有儀同三司者  
任城王濬戶皆反又有開府儀同三司及儀同三司後周建德四年  
 將軍又改儀同三司為儀同大將軍仍增置上開府儀同大  
 隋文帝並以為散官又諸衛各置開府左勳衛開府右翊一開  
衛武侯領軍東宮府置開府一人又有儀同府儀同以下置員  
領兵開府准此與開府同初開府儀同三司為四品散實官至煬帝又改為從  
 一品同漢魏之制位次三公

唐武德七年改上開府儀同三司為上輕車都尉開府儀同三  
 司為輕車都尉儀同三司為騎都尉後又以開府儀同三司為  
 文散官開元以前舊例開府特進雖不帶職事皆給俸祿得與  
 朝會班列依本品之次皆崇官盛德罷劇就閑者居之天寶六  
制內外文武五品以上官父祖資蔭宋制祖宗時以節度使  
者其所用蔭宜同于孫用蔭之例兼中書令或侍中或中書門下平章事皆謂之使相以待勳賢  
 故老及宰相久次罷政者隨其舊職或檢校官加節度使出判  
 大藩通謂之使相故事宰相去位例進官一等或易東宮三少  
 惟趙普以開國舊臣在相位久故以使相罷蓋異恩也其後呂  
 夷簡王欽若罷相皆以為例元豐新官制始改為開府儀同三  
 司舊制勅出中書門下故事之大者使相繫銜至是皆南省奉  
 行則開府不預矣八年鎮江軍節度使檢校太傅韓絳為開府  
 儀同三司判大名府元祐五年太師平章軍國重事文彥博為



開府儀同三司守太師充護國軍山南西道節度使致仕自崇  
寧五年司空左僕射蔡京爲開府儀同三司安遠軍節度使中  
太一宮使其後故相而除則有劉正夫余深前執政則有蔡攸  
梁子美外戚則有向宗回宗良鄭紳錢景臻殿帥則有高俅內  
侍則有童貫梁師成名器至此輕矣紹興後呂頤浩韓世忠皆  
以開府儀同三司除少保

按三朝國史職官志敘元豐寄祿新格以階易官謂開  
府儀同三司卽舊使相然使相者是以侍中中書令平  
章事加節度使之謂也自唐至宋皆有之而事體微不  
同唐則多以同平章事加節度使之立勳勞而久任者  
蓋將而寵以相之名也宋則多以節度使加平章事之  
有德望而罷政者蓋相而寵以將之名也合而言之蓋  
位兼將相品極文武之稱今旣曰以開府儀同三司易

使相矣然韓絳爲開府而復加以鎮江之節文彥博爲  
開府而復加以護國山南之節蔡京爲開府而復加以  
安遠之節則是且爲開府且爲使相而使相之名未嘗  
廢矣又况神宗更官制之本意實以三省寺監之官無  
職掌爲非遂欲易而正之如改左右僕射爲特進則遂  
以僕射爲宰相之職改左右丞爲光祿大夫則遂以左  
右丞爲執政之職今改度使之在宋其無職掌與開府  
儀同三司一也何煩以開府易之况有開府之後宰相  
之除節度使元未嘗廢乎竊疑開府儀同三司特專以  
易三省長官尚書侍中而於使相節度使無預張演著  
職官記叙元豐新官而并著舊官於開府儀同三司之  
下只注舊官云中書令侍中同中書門下平章而不言  
使相雖與史志不合似爲得之

特進

漢制諸侯功德優盛朝廷所敬異者賜位特進位在三公下故成都侯王商以特進領城門兵置幕府得舉吏如將軍是也

後漢皇后父兄率為特進侯朝會位次三公隋志曰特進舊位列侯就加特進奉朝請是特進引見之稱無官定體也而實為進位特進得舉吏見禮儀

三公自二漢及魏晉以為加官從本官車服無吏卒太僕羊琇遜位拜特進加散騎常侍無餘官故給吏卒車服其餘加特進

者唯食其祿賜列班位而已不別給特進吏卒車服晉惠帝元康中定令特進位次諸公在開府驃騎上冠進賢兩梁冠黑介

頓五時朝服佩水蒼玉食俸曰四斛太康三年始賜春困五十匹秋絹五十匹綿百五十斤元康元年

給葉田八頃田駟八人立夏後不及川者食俸一年置王簿功曹吏門守長門下書佐各一人給安車黑耳駕御一人駱查施無章綬齊時位從公陳因之後魏北齊用人皆以舊德

唐為文散官

餘見開府明

宋制左右僕射為宰相官元豐更官制乃以特進換之時王安石獨改特進至政和後薛昂帶觀文殿學士任特進白時中以門下侍郎帶特進皆失舊制繼詔並改

金紫光祿大夫今後特進非宰相不除

金紫光祿大夫

銀青光祿大夫光祿大夫附

秦時光祿勳屬官有中大夫漢武帝太初元年更名光祿大夫

漢志曰夫者扶也庸也詩曰殷士膚敏灌將于京明當以其肌膚知能待君父也銀章青綬掌議論屬

光祿勳門外特施行馬以旌別之無常事唯顧問應對詔命所使無員後漢光祿大夫三人凡諸國嗣王之喪則掌弔多以為

拜假贈贈之使及監護喪事魏氏以來無員轉優重不復以為使命之官其諸公告老皆家拜此位及在朝顯職復用加之魏

帝以楊彪為光祿大夫賜几杖衣袍因朝會引見及西晉受命今楊彪着布單衣鹿皮冠杖而入待以賓客之禮置左右光祿大夫假金章紫綬而光祿大夫如故加金章紫綬

並與卿同進賢兩梁冠黑介憤五時朝服佩水蒼玉并祿賜班位吏卒皆與特進同復以為優崇之制而諸公遜位不復加之其以為加官者唯假章綬祿賜班位而已不別給車服吏卒也或更拜上公或以本封食公祿其諸卿尹中朝大官年老致仕者及內外之職加此前後甚眾由是或因得開府或進加金章紫綬又復以為禮贈之官本已有卿官者不復重給其餘皆假其假銀章青綬者位在金紫將軍諸卿上泰始中唯太子詹事楊珧加給事中光祿大夫加兵之制諸所供給依三品將軍晉帝于平原王幹拜光祿大夫加其餘自如舊制終武惠孝懷三侍即時假金章紫綬班次三司始給春絹五百匹綿百斤惠帝元康世食俸日三斛大康二年始給春絹五百匹綿百斤惠帝元康元年始給萊田六頃田騶六人置土簿功曹史門亭長門下書佐各一人宋氏因之齊左右光祿大夫皆據舊齒位從公開府置佐吏如公年重加親信二十人魏晉以來無員以左右光祿大夫光祿三大夫皆銀章青綬其重者詔加金章紫綬則謂

之金紫光祿大夫其重者既有金紫之號故謂本光祿為銀章光祿大夫晉時王翹之為銀青光祿大夫樂安任遐為光祿就王晏乞一片金晏乃啓轉為金紫是也猶屬光祿勳梁又有左右金紫光祿大夫視吏部尚書左右光祿大夫視諸曹並養老病陳因之自晉以後多為兼官後魏有光祿大夫金紫銀青光祿大夫北齊皆以舊德就閑者居之與特進同後周有左右金紫左右銀青四光祿大夫隋有光祿大夫左右光祿大夫皆為散官不理事唐初猶有左右之名貞觀以後唯曰光祿大夫金紫光祿銀青光祿並為文散官按前代光祿大夫始加金章紫綬及銀章青綬者並尊崇之皆在光祿之上後魏定今設遂因仍不改宋元豐更官制以金紫光祿大夫換吏部尚書銀青光祿大夫換五部尚書時宰相王珪任禮部侍郎官因改官制乃特授銀青光祿大夫以光祿大夫換尚書左右丞宣奉大夫正奉大夫

職官考卷之四 宣奉大夫 正奉大夫

二階古無之宋大觀間新置

正議大夫

隋散官蓋取秦大夫掌論議之義唐因之宋元豐更官制以正議大夫換六部侍郎并作一等時議以為宰執貪進官作此蓋故事丞郎作四轉今乃減作兩轉耳

通奉大夫

古無此階宋大觀間新置

通議大夫

隋散官義與正議同唐因之宋元豐更官制以通議大夫換給事中

太中大夫

秦官亦掌議論漢因之哀帝初立御史大夫王嘉奏曰起為盜賊遣大夫使時見大夫者臣蓋臣令尹逢拜為諫大夫遣之後漢置二十今諸大夫有才者甚少宜預高養也

大居中東門候舍故人號為中東門君又隗囂廣置職位以自高鄭興止之曰夫太中大夫使持節官皆王者之器非人臣所當置也胡廣云諫議光祿太中散大夫此四等於古禮皆為天子之下大夫列國之上卿魏以來無員

晉視中丞吏部絳朝服進賢一梁冠介憤太始末詔除王覽為太中大夫祿賜與卿同 梁北齊唐皆有之 宋元豐官制行

以太中大夫換諫議大夫神宗以寄祿官等給減少遂以太中大夫為宰相官故蔡確時任右諫議大夫參知政事先換太中

大夫及拜相則依前太中大夫守尚書右僕射兼中書侍郎遂為定制其後又以太中大夫以上為侍從官

元豐中自太中大夫至金紫止六階皆之五部尚書今為一官六部侍郎為一官是十一官併為兩官矣左右丞左右諫議亦併四官為兩官其後增置通奉正奉宜奉三階自太中大夫以上惟宰執待從得遷

中大夫

秦官漢武改為光祿大夫自後無聞 北齊有之 唐又置宋元豐更官制以中大夫換秘書監而殿中監本一等其特偶

職官之文 之大夫通考卷六十四 禎三年重刊

關任殿中監者故只著祕書監神宗以太中太夫為宰相官故  
初除執政只授中大夫是時拜翰林學士蒲宗孟王安禮為左  
右丞三公寄祿官皆未至大夫只除中大夫守之

中奉大夫

古無此階宋大觀間新置

中散大夫

王莽所置後漢因之復置三十人漢官日光 晉魏無員 齊

梁視黃門侍郎品服冠幘與太中同 陳及 唐皆有之

朝議大夫

隋置散官以取漢諸大夫得上奉朝議為名 唐因之 宋元

豐更官制以朝議大夫換左右司郎中侍太常少卿職光祿少

卿出身蔭補人元豐中自朝議至中大夫凡三階後增出中奉

監蔭補人自郎中五遷至祕書監今增置奉直中奉而有出身

中大夫今亦選中奉中大非舊制也朝議大夫以上係卿監

奉直大夫

古無此階宋大觀間新置

朝請大夫

隋置散官取漢將軍公卿年高德重者以列侯就第特進奉朝

請之義 唐因之龍朔置諸王象子封郡公者出身從五品上叙 宋元豐更官制以

朝請大夫換前行郎中

朝散大夫

隋置散官 唐因之 宋元豐更官制以朝散大夫換中行郎

中

朝奉大夫

古無此階 宋元豐更官制以朝奉大夫換後行郎中官制舊

事若名曹謂兵刑工部也及司封司勳度支金部祠部主客雖

轉正郎亦不呼郎中只稱其曹名以示其出常調也自改大夫

職官 文故

文獻通考卷六十四

七

崇禎三年重刊

更無別異且古大夫猶今之執政侍從也書所謂日宣三德者是馬曲禮曰四郊多壘卿大夫之辱也由此觀之豈宜換授庶僚耶在漢晉間只有光祿太中大夫中散大夫為侍從官當論思獻納之任至隋唐增各作階已非所宜今乃易少卿監郎中是輕其名器也

王氏揮麈錄曰更官制後惟光祿大夫及中散朝議二大夫分左右增磨勳而已初非以科第也元祐間范忠宣當

國始帶左右紹聖初罷去事見常希古奏疏大觀又置中

奉奉直二大夫徽中散朝議左右字紹興初編修官楊愿

啟請再分左右自是以出身為重

朝議郎

隋置散官 唐因之顯慶五年制郡公出身正六品下叙 宋無

朝請郎

隋置散官益採晉及六朝並有奉朝請為名 唐因之顯慶制

正七品上叙 宋元豐更官制以朝請郎換前行員外郎侍御史

朝散郎

隋置散官 唐因之顯慶制 宋元豐更官

制以朝散郎換起居舍人及中行員外郎

朝奉郎

古無此階 宋元豐更官制以朝奉郎換左右司諫及後行員

外郎朝奉郎以上係員外郎

承議郎

隋有承議郎為散官 唐因之品與朝議郎同 宋元豐更官制以承

議郎換左右正言太常國子博士

奉議郎

隋置通議郎為散官隋文帝於史部別置朝議通議朝請朝散

騎游騎飛騎旅騎雲騎羽騎八品其品則正六品以下從九品

唐改通議為奉議郎顯慶制縣公出身從六品上叙 宋元豐更官制以

給事承事儒林文林等八郎武騎屯騎驍

以上上此為郎下皆為尉散官番直常出入使監檢至場帝皆

罷

職官考 卷之四

職官考 卷之四

奉議換太常秘書殿中丞著作郎

通直郎

隋置三十人蓋採晉宋以來諸官皆有通直謂官高下而通為宿直也因此為名唐因之宋元豐更官制以通直郎換太子中允贊善大夫洗馬自通直郎以上係陞朝官

宣教郎

隋置宣德郎為散官唐因之品與輔散郎同宋元豐更官制以宣德郎換著作佐郎大理寺丞政和間避宣德門改為宣教郎

宣義郎

隋有游騎尉為散官唐改為宣義郎蓋取梁宣義將軍之名顯慶制男出身從七品下叙宋元豐更官制以宣義郎換光祿衛尉寺將作監丞

給事郎 徵事郎

散官 唐因之 宋無

承事郎

古無此階 宋元豐更官制以承事郎換大理評事為狀元及第宰相任子之初官

承奉郎

隋置散官 唐因之 宋元豐更官制以承奉郎換太祝奉禮郎執政任子初官

承務郎

唐置蓋因隋尚書省二十四司承務郎之名 宋元豐更官制以承務郎換校書郎正字將作監主簿自承務郎以上係京官承直郎

古無此階 宋崇寧定選人七階以承直郎換留守節察判官按元豐未改官制之先大率以職為階官以宰執言之

如吏部尚書階官同中書門下平章事職尚書禮部侍郎階參知政事職之類是也然所謂吏部尚書禮部侍郎者未嘗專有所係屬治其事則以為職不治其事則以為階官猶云可也獨選八七階則皆以幕職令錄之屬為階官而幕職令錄則各有所係屬之監司州縣遂至有以京西路某縣令為階官而為河北路轉運司勾當公事者有以陝西路某軍節度判官為階官而為河東路某州州學教授者有以無為軍判官為階官而試秘書省校書郎者其叢雜可笑尤甚元豐時未暇革

正至崇寧二年刑部尚書鄧洵武極言其事遂以承旨郎以下七階換之

儒林郎

隋置散官蓋取前史儒林傳之義 唐因之 宋崇寧初以

林郎換節察掌書記支使防團判官

文林郎

隋置散官蓋取北齊文林館徵文學之士以充之義 唐因之

宋崇寧初以文林郎換留守節察推官軍監判官

從事郎

古無此階宋崇寧定選階以從事郎換防團推官監判官

從政郎

古無此官 宋崇寧定選階初以通事郎換錄事參軍縣令政

和間改通事郎為從政郎

修職郎

唐置登仕郎 宋崇寧初以登仕郎換知錄事參軍知縣令政

和間改登仕郎為修職郎

迪功郎

崇寧三年重刊

職官文收

文林郎考卷六十四

十一

崇寧三年重刊



隋置將仕郎爲散官 唐因之宋崇寧初以將仕郎換軍巡判  
官司理司法司戶簿尉以上七階係選人用舉考及功賞改官  
政和既以從政修職迪功郎易通仕登仕將仕郎其通仕登仕  
將仕三階係奏補未出官人

右宋初省臺寺監之官特以寄祿皆不領本職神宗元豐三年  
始按唐六典肇新官制凡省臺寺監領空名者一切罷去而易  
之以階文階自開府至將仕爲二十四崇寧大觀政和相繼潤  
色之紹興舉行元祐之法分置左右詞人爲左餘人爲右淳熙  
初乃去左右字今任子雜流惟細轉通直郎奉直中散二大夫  
有出身若帶貼職則超資京官以上四年一轉無出身人逐資  
人不轉轉有出身人超資轉至奉議並逐資轉至朝議大夫有止法仍  
七年一轉

### 武散官

### 驃騎將軍

漢武帝元狩二年始用霍去病爲驃騎將軍定令驃騎將軍  
秩祿與大將軍等光武中興以景丹爲驃騎大將軍位在三公  
下明帝初卽位以弟東平王蒼有賢才以爲驃騎將軍以王故  
位在公上蒼爲驃騎輔政開東閣給英雉及蒼歸國有驃騎時  
吏斗食周相以蒼敬賢下士不忍去之遂爲王家大  
夫數十年事相及  
孫帝聞褒美之數年復罷以官屬附見  
大將軍後魏晉齊並有之

梁雜號中亦有 陳後主以蕭摩訶爲侍中驃騎大將軍加左  
光祿大夫特開黃閣施行馬聽事寢堂置鴟尾如三公制 後  
魏初加大則在三司上大和中制加大則在都督中外諸軍下  
後周亦有之 隋開皇中置驃騎將軍府每府置驃騎車騎將  
軍各二人十七年頒銅獸符於驃騎車騎府煬帝改驃騎爲鷹  
揚郎將改車騎爲鷹揚副郎將 唐復改爲車騎驃騎其制如  
開皇而益復微矣故武德元年詔以軍頭爲驃騎將軍軍副爲

車騎將軍 又詔太子諸率府各置驃騎將軍五員車騎將軍十員 後皆省之顯慶元年乃復置驃騎大將軍為武散官

輔國將軍

後漢獻帝置輔國將軍以伏完為之 晉王濬平吳後拜輔國大將軍有司奏輔國依比未為達官不置司馬不給官騎詔依征鎮給五百大車增兵五百人為輔國營給親騎百人官騎十人置司馬

宋明帝泰始四年改為輔師將軍後廢帝昱元徽一年復故梁後魏後周隋並有之

唐輔國大將軍為武散官

鎮軍將軍以下

鎮軍大將軍魏置文帝以陳群為之晉則楊駿胡奮並領鎮軍將軍齊後周隋亦有之唐因之冠軍將軍魏置以文欽為之蓋

因史記楚義帝以宋義為卿子冠軍漢武帝以霍去病功冠三

軍封冠軍侯之義也晉亦有之金章紫綬給五時朝服武冠佩

水蒼玉歷代並有 隋文帝置翊軍等四十三號將軍品凡十六

執事官無職務者為散官武官上柱國以下為散實官將軍為散號官至煬帝時定令罷之 唐因之 雲麾

將軍梁置雜號陳及唐並有之忠武將軍梁置雜號陳有之唐

因之 壯武將軍梁置雜號陳有之唐因之 宣威將軍唐置

明威將軍梁置雜號後魏亦有之唐因之 定遠將軍梁置雜

號唐因之 寧遠將軍晉置唐因之 游騎將軍魏置陳有之

唐因之 游擊將軍漢置武帝以蘇建韓說為之 後漢鄧晨

亦為之晉及陳並有之唐因之 又置懷化大將軍歸德將軍

以授蕃官

諸校尉

漢武帝初置中壘屯騎步兵越騎長水胡騎射聲虎賁等校尉

職官考卷之四

職官考卷之四

崇禎三年重刊

為八校各有司馬 後漢以屯騎越騎步兵長水射聲為五校

皆掌宿衛兵 按大駕鹵簿五校尉各有司馬 蔡質漢儀曰五營

不並屬北軍中候時五校官顯職閑而府寺寬敞輿服光麗伎

巧必給故多以皇族肺腑居之至靈帝又置西園八校尉 其各

軍中軍下軍典軍助

五校各置二十人

甲壘校尉

屯騎校尉

步兵校尉

越騎校尉

長水校尉

射聲校尉

漢掌北軍管壘門內又外掌西域後

漢掌騎士後漢初改為

漢掌越騎越人內附以為騎也後漢初

漢掌長水宣曲胡騎宣曲觀名胡騎之屯於宣曲

漢掌射聲

漢掌京師城門屯兵凡八屯後漢掌許陽城門

漢武以霍

漢武帝時烏桓屬漢始於幽州部置之擁節監

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

漢元帝初元元年置甲乙丙丁庚辛壬癸皆有正

西戎校尉 晉武帝於長安置之元康中改為雍州刺史安帝義熙中又置治中佐之

寧蠻校尉 晉安帝置治中陽以授魯宗之

護三巴校尉 宋晉齊廢元二年改為刺史

武騎尉 屯騎尉 驍騎尉 游騎尉

飛騎尉 旅騎尉 雲騎尉 羽騎尉

建節尉 奮武尉 宣惠尉 綏德尉

懷仁尉 守義尉 奉誠尉 立信尉

都十六尉並隋置以為武散官 昭武振威致果翊衛宣節

禦衛仁勇倍戎八校尉各有副尉並唐採前代諸校尉以下

舊名置自鎮軍將軍以下為武散官

右此所述唐朝武散官本通典今考新唐書日官志兵部尚書條下載武散官共四十五皆內有懷化大將軍懷化將軍歸德大將軍歸德將軍其懷化歸德又各有

中郎將郎將司階中候司戈執戟長上共十六階通典所不載其中壘至護三巴十九校尉乃歷代所置即非

唐散官武騎至立信十六尉乃隋武散官亦非唐制因叙述校尉而錯見於此耳

宋朝武選之稱自內客省至閣門使副為橫班自皇城至供備庫使為諸司正使自皇城至供庫備副使為諸司副使自內殿承制至三班借職為使臣元豐官制行武階猶未及改政和二年乃詔易以新名正使為大夫副使為郎而橫班十二階使副亦然六年又增置宣正履正協忠翊衛親衛大夫郎凡十階通為橫班自太尉至下班祇應凡五十三階

新官 舊官

太尉 政和新置以太尉本秦主兵官遂定為武階之首

通侍大夫 內客省使

東上閣門使

正侍大夫

延福宮使

宣政大夫

政和新置

履正大夫

政和新置

協忠大夫

政和新置

中侍大夫

景福殿使

中亮大夫

客省使

中衛大夫

引進使

翊衛大夫

政和新置

親衛大夫

政和新置

左武大夫

東上閣門使

右武大夫

西上閣門使

正侍郎

政和增置

宣正郎

政和增置

履正郎

政和增置

協忠郎

政和增置

中侍郎

政和增置

中亮郎

客省副使

中衛郎

政和增置

翊衛郎

政和增置

拱衛郎

政和增置

左武郎

東上閣門副使

右武郎

西上閣門副使

武功大夫

皇城使

武德大夫

內藏庫使

武顯大夫

藏庫使

武節大夫

內藏庫使

武畧大夫

內閣洛苑加京崇儀使

東上閣門使

武經大夫

西京左藏庫使

武義大夫

西京作坊東西染院使

武翼大夫

供備庫使已上繫諸司正使

武功郎

皇城副使

武德郎

宮苑左右騏驎內藏庫副使

武顯郎

左藏庫東西作坊副使

武節郎

莊宅六莊文思副使

武畧郎

內園洛苑如京崇義副使

武義郎

西京左藏庫副使

武翼郎

西京作坊東西染院禮賓副使

敦武郎

供備庫副使已上繫諸司副使

脩武郎

內殿承制

從義郎

內殿崇班

秉義郎

東頭供奉官

忠訓郎

西頭供奉官

忠靖郎

左侍禁

成忠郎

右侍禁

保義郎

左班殿直

承節郎

右班殿直

承信郎

三班奉職

下班祇應

三班借職已上繫使臣

右宋制武階舊有橫行正使橫行副使有諸司正使諸司副使  
有使臣政和易以所命正使為大夫副使為郎橫行正副亦然  
於是郎居大夫之上至紹興始整正其序自正侍郎至右武  
之上今雖正在武翼大又通侍大夫舊為內客省使國朝未嘗  
夫之下武經郎之上

除人自易武階不遷通侍沿初意也轉至忠侍無磨勘者特肯  
除脩武郎以上為大使臣承信郎以上為小使臣五年一轉至  
武功大夫有止法

進武校尉

進義校尉

下班祗應

進武副使

進義副尉

守闕進義副尉

進勇副尉

守闕進勇副尉

以上無品二校尉參吏部下班參兵部以下並參刑部元豐初  
定官制或請併內侍官名易之神宗曰祖宗為此名有深意豈  
可輕議政和二年始遂改焉凡十有二階

新官

舊官

供奉官

內東頭供奉官

左侍禁

內西頭供奉官

右侍禁

殿直

左班殿直

高

右班殿直

高班

黃門

黃門

祗候侍禁

祗候殿頭

祗候殿直

祗候高班

祗候黃門

祗候高班內品

內品

祗候內品

貼祗候內品以舊三品

按唐宦者所歷散官與文官同仇士良至開府儀同三  
司請蔭其子給事中李中敏判云開府階誠宜蔭子謁  
者監何由有見是也此外則貴璋之階官至金紫光祿

大夫正議大夫者多有之祖宗立法不以內侍濁清流  
故自有階官云

政和初既易武階而醫官之名亦遂改焉凡十有四階

新官

舊官

和安成安成全成和大夫 軍器庫使

保和大夫 西綾錦使

保安大夫 權易使

翰林良醫 翰林醫官使

和安成和成安成全郎 軍器庫副使

保和郎 西綾錦副使

保安郎 權易副使

翰林醫正 翰林醫官副使

凡除職事官以寄祿官品之高下為準高一品以上為行下一

品為守下二品已下為試品同者否紹聖三年戶部侍郎吳居

厚言神宗官制凡臺省寺監之制有行守試三等之別元祐中

裁減冗費而職事官無行者第存虛名而已請付有司講復舊

制從之四年翰林學士蔣之奇言所謂試則非正官也今尚書

侍郎皆正官而謂之試失之矣如其階卑則謂之守

可也臣請凡有正官者皆改試為守崇寧中吏部授選人差遣

亦用資序高下分行守試三等政和三年詔選人在京職事官

依品帶行守試其外任則否宣和以後官高而仍舊職者謂之

領官卑而職高者謂之視故有庶官視從官從官視執政視宰

相凡道官亦視文階云

勳官

上柱國柱國皆楚之寵官楚懷王使柱國昭陽將兵攻齊陳軫  
問楚國之法破軍殺將者何以貴之昭陽曰其官為上柱國是



也陳勝為王莽賜為上柱國歷代無聞至後魏孝莊以爾朱榮有翊戴之功

拜為柱國大將軍位在丞相上又拜大丞相天柱大將軍增佐

吏及榮敗後天柱及柱國將軍官遂廢天柱之名尊崇莫二皆

為之其後功參佐命聲實俱重者亦居此職自大統十六年以

前任者凡有八人宇文泰元依隴西公緡李弼時宇文泰任總

百揆督中外軍事元欣以魏氏懿戚從容禁闥而已其餘六人

名督二人將軍凡十二大將軍當時榮盛莫以為北其稱門閥

者咸推八柱國家其後功臣位至柱國者衆矣咸是散秩無復

統御也 後周建德四年增置上柱國大將軍 隋置上柱國

柱國以酬勲勞並為散官實不理事楊玄感以父素軍功位至

秦有護軍都尉漢因之高帝時以陳平為護軍中尉盡護諸將

乃命玄感降一等也唐改為上柱國及柱國

然則復以都尉為中尉東平為善處軍中尉人讒之曰平受諸

武帝元狩四年以護軍都尉屬大司馬于時復為都尉矣成帝

元年居大司馬哀帝元壽十年更名曰司寇平帝元始元年更

名護軍初韓安國以護軍將軍擊匈奴漢東京省班固為

大將軍中護軍隸將軍幕府非漢朝列職 魏武帝為丞相以

韓浩為護軍史魚為領軍亦非漢官也建安十二年改護軍為

中護軍領軍為中領軍魏初因置護軍將軍主武官選隸領軍

晉世則不隸矣歷代史籍皆云護軍將軍主武官選則領軍無

官選舉面護軍不言主選又引曹昭叔速考詩叙曰余年三十

選中領軍總六軍之要秉選舉之機以此為論今按漢高帝初

以陳平為護軍中尉今已主武官選矣故陳平有受金之議又

魏畧云護軍之官總統諸將主武官選前後當此者又欲止

賂故將濟為護軍時有諺曰欲求才門當得千四百人督得

五百匹司馬宣王與濟善聞此聲以問濟濟無以解之入憂侯

玄代濟故不能止絕人事及晉景帝代玄為中護軍整頓法分

人莫敢犯者又王隱晉書曰景帝為中護軍作選用之法舉閭

越功吏無私焉又晉起注云武帝詔曰中護軍職典戎選宜得

卓才遂以羊琇為之宋志又云武官選按此則護軍主選明矣

而陶藻所言領軍主選及昭叔之叙者當因元帝永昌元年省併之際為一時之權宜非歷代之恒制

省護軍併領軍 明帝太寧二年復置魏晉江右領護各領營兵江左以來領軍不復別置營總管二衛驍騎材官諸營護軍猶別有營也周顯廣亮王羲之謝安宋護軍將軍一人掌外軍領護資重者為領軍將軍護軍將軍輕者為中領軍中護軍其屬有長史司馬功曹主簿齊梁陳並有之 北齊護軍府統四中郎將皆置佐史 隋煬帝十二衛每衛置護軍四人以副將軍將軍無則一人攝尋改護軍為虎賁郎將 唐採前代舊名置上護軍護軍輕車將軍漢武帝置以公孫賀為之又輕車校尉梁陳後魏北齊亦有輕車將軍 唐採舊名置上輕車都尉輕車都尉騎都尉漢武帝置以李陵為之更始初亦有故時諺曰爛羊胃騎都尉晉以後歷代皆有之 唐採舊名置上騎都尉騎都尉武騎尉並隋置為文武

唐採置自上柱國以下並為勳官  
宋制勳一十有

上柱國 柱國 上護軍 護軍

上輕車都尉 輕車都尉 上騎都尉 騎都尉

驍騎尉 飛騎尉 雲騎尉 武騎尉

右騎都尉以上兩府并武臣正在已上經恩加兩轉又武朝官加一轉武騎尉以上京官加一轉朝官雖未至驍騎尉經恩亦便加騎都尉

功臣

推忠 佐理 協謀 同德

守正 亮節 翊戴 贊治

崇仁 保運 經邦

右以賜中書樞密院臣僚宰相初加六字餘臣初加四

賜者改之

推忠 保德 朝戴 守正

亮節 同德 佐運 崇本

協恭 贊治 宣德 純誠

保節 保順 忠亮 竭誠

奉化 効順 順化

右以賜皇子皇親文武臣僚外臣初加四字

拱衛 翊衛 備聖 保順

忠勇 拱極 護聖 奉慶

果毅 肅備

右以賜諸軍將士禁軍初加二字用

政和中罷勳官淳熙末朝議欲復之以旌有功如帖職之比後

不果行惟安南闍婆占城三國王始封加上柱國南丹州勅  
史加武騎尉焉加功臣號始於唐德宗宋朝因之至元豐乃罷  
中興後加賜者三人而已韓世忠揚武翊運功臣張俊安民靜  
難功臣劉光世和衆輔國功臣此外惟安南國王初除及經恩  
亦加功號

岳氏愧鄉錄曰按散階勳官在前世合於一至唐則析而  
為二階勳功臣檢校在唐則析於四而本朝則合於一其  
用與不用實寓見於是自宋齊梁陳後魏北齊以來諸九  
品官皆以將軍為品秩謂之加戎號此正如國初軍制皆  
以御史為品秩謂之加憲銜也梁制雖親王起家未加將  
軍不開府不置佐史官可以見一時以此號為重然其實  
未嘗將屯亦虛名耳隋既受命高祖採後周之制置上柱  
國柱國上大將軍大將軍上開府儀同三司開府儀同三

司上儀同三司儀同三司大都督帥都督都督總十一等以酬勤勞又有特進左右光祿大夫金紫光祿大夫銀青光祿大夫朝議大夫朝散大夫並為散官以加文武官之德聲者並不理事又有翊軍等四十三號將軍品凡十六等為散號將軍以加將校居曹有職務者為執事官無職務者為散官戎上柱國已下為散官官軍為散號官諸省及左右衛武侯餘左右監門府為內官自餘為外官散官之名肇見於是還考漢制光祿大夫太中大夫郎議郎中郎侍郎郎中皆無員多至數十人進奉朝請亦皆無職守優游祿秩則官之有散自漢已有之矣然當時之仕于朝者不任以事則置之散正如今日官觀設官之比未有以職為實以散為號如後世者也故成都侯王商以特進領城門兵置幕府得舉吏是正如今日兼官不可以官稱

為此梁制左右光祿金紫光祿太中中散等大夫並無員以養老疾遯而考之魏晉宋齊元魏下而考之陳北齊後周隋亦莫不有之九品十八班之間元魏初又嘗置散官五等其品第五至第九百官有闕則取於其中以補之蓋皆以儲才待須而亦與諸職事官均其勞佚也逮隋開皇六年始置六品以下散官入郎為正階八尉為從階通而觀之則九品之內皆有散官以酬勞矣惟正一品虛而不置所以章其貴也煬帝嗣位多所改更先罷特進次罷十一等酬勞官八郎八尉四十三號將軍併省朝議大夫置九大夫八尉自一品至九品別有其制繼雖復儒林郎文林郎列之七品八品正乃隸秘書省置二十人若三十人專以明經待問撰錄文史為職又若職事官無與於散階也尋又置散騎郎二十人為從五品承議通直郎各三十

人爲正從六品宣德宣義郎各四十人爲正從七品徵事  
將仕郎各五十人爲正從八品常從奉信郎各五十人爲  
正從九品是爲正員並得祿當品又各有散員郎無祿隨  
又改常從爲登仕奉信爲散從自散騎而下皆主出使量  
事大小據品以發之則正如國初九品京朝官皆在京國  
其罷職者歸本班守本官其出使者知某州轉運某路之  
制耳尚書省六曹皆置承務郎一人同員外郎之職乃正  
與今尚書郎等又非散號如限員以設散官使其別有所  
授決知其必不復徒帶以爲美觀也而唐乃析之郎大夫  
之秩光祿中散之養疾儒林文林之待問一歸之於文散  
散號將軍參取雜置益以校尉一歸之於武散柱國等號  
本以酬勞武騎諸稱並同郎位一歸之於勳官則階散也  
勳官也唐雖因隋而所用未嘗因隋有職者改爲虛名徒

行者置在兼秩是所謂前世合於一而唐則析爲二史太  
宗與高祖興太原飲馬泉之戰以多授光祿大夫階李晟  
以克復元勳立功時諸子未官宰相以聞即日詔了愿爲  
上柱國故事柱國門列戟遂父子皆賜杜淹貞觀中檢校  
吏部尚書再加檢校侍中代宗以射生軍清難而有寶應  
之稱德宗以涇軍煽逆而有定難之號後隨事而賜亦無  
定名故唐之有功者或叙階或賜勳或加以檢校或寵以  
名號皆上之人有以寓一時之微權而初無階升必致之  
道四者並用而又申之以封爵重之以實封馭貴馭富又  
雜取而輔之在祖宗廟若功臣之名猶有官不當賜而特  
賜者如開寶之於王明太平興國之於桂彥鈞陳信從郝  
正太中祥符之於王丞美天禧之於向漢通南渡以後高  
皇舉久廢之典以寵二三大將其他則不多見也每一遇

取官至其則加功臣若干字酬勳若干級進階若干等敵國若干戶並舉而予之故世但以為煩而不見其用是所謂唐折於四而本朝則合於一既合矣而不能分此所以發神宗皇帝之獨斷一舉而盡去之也政和罷勳官徒以太平之世不欲用議易之而未暇孝宗淳熙間延策多士發為清問有意復之而未能誠使無並用之術祖已成之例一歸之有司則雖無復可也因虛以濟實即名以輔治一歸之君上則雖盡復之亦可也世之議者多以其名之混淆未易別白故表而著之以俟觀者擇焉

檢校官一十九

太師

太尉

太傅

太保

司徒

司空

左僕射

右僕射

吏部尚書

兵部尚書

戶部尚書

刑部尚書

禮部尚書

工部尚書

左散騎常侍

右散騎常侍

太子賓客

國子祭酒

水部員外郎

右皇子初授官加太尉初除樞密使使相及曾任宰相樞密使除節度使加太傅初除宣徽節度使加太保宗室初除使相加尚書左僕射特除并換授諸司使已上加工部尚書諸司副使加右散騎常侍除通事舍人內殿崇班以上初授加太子賓客副率以上并三班及吏職蕃官軍員該恩加國子祭酒廂都指揮使止於司徒軍都指揮使忠佐馬步都軍頭止於司空軍班都虞候忠佐副都軍頭以上止於左右僕射諸軍指揮使止於吏部尚書其官止遇恩則加階爵功臣

建炎以來朝野雜記曰檢校官者自唐以來有之凡內職  
崇班今脩武郎武臣副率以上初除及該恩皆帶若文武臣則  
樞密宣徽節度使始帶焉自三公謂太尉司徒司空三司僕射尚  
書常侍至賓客祭酒凡十餘等元豐改官制武臣承宣使  
已下皆罷惟存檢校三公三師以待節度使之久次者政  
和後改三公為三少若武臣累加至檢校少師則拜太尉  
文臣累加檢校少師則拜開府儀同三司安南國王初襲  
封加檢校太尉經恩遷檢校太師外蕃刺史州則檢校太  
子賓客此外皆不帶云

朱子語錄曰祖宗之法除三孤三公者必須建節加檢校  
太子少保少師之類然後除開府儀同三司既除開府然  
後除三孤三公南渡以來如張韓劉岳諸武臣猶是如此  
外皆不帶今則不然既建節便抹過檢校徑除開府至三

孤三公矣

文獻通考卷之六十五

宋鄱陽 馬 端臨 貴與 著

明蘄陽 馮 天馭 應房 校刊

職官考 祿秩

周班爵祿之制天子一位公一位侯一位伯一位子男同一位  
 凡五等也君一位卿一位大夫一位上士一位中士一位下士  
 一位凡六等大國君十卿祿卿祿四大夫大夫倍上士上士倍  
 中士中士倍下士下士與庶人在官者同祿趙岐曰庶人在官者未命為士者  
 次國君十卿祿卿祿三大夫大夫倍上士上士倍中士中士倍  
 下上下下士與庶人在官者同祿小國君十卿祿卿祿二大夫大  
 夫倍上士上士倍中士中士倍下士下士與庶人在官者同祿  
 皆祿足以代耕也卿祿於君祿皆十分之一大夫於及乎周衰卿各相加上不得耕以祿代耕也  
 諸侯惡其害已而去其籍諸侯恣行惡其法度之害已而滅去其籍故今周禮司祿之官闕其職也



故其詳不可得而聞矣蓋其畧也天子之三公之田視公侯  
 天子之卿視伯天子之大夫視子男天子之元士視附庸視此  
 諸侯之下士祿食九人中士食十八人上士食三十六人下士  
 食七十二人卿食二百八十八人君食二千二百八十八人次國  
 之卿食二百一十六人君食二千一百六十人小國之卿食百  
 四十四人君食千四百四十四人次國之卿命於君者亦如小  
 國之卿凡制農田百畝百畝之分上農夫食九人其次食八人  
 其次食七人其次食六人下農夫食五人庶人在官者其祿以  
 是為差農夫皆受田於公田有五等收入不同也庶人在家者  
 謂府史之屬官長所除不命於天子國君者分或為糞  
 故諸侯之下士視上農夫祿足以代耕祿記  
 漢制祿秩自中二千石至百石各有等差宣帝又益天下吏百  
 石以下俸十五漢書曰若食一斛則益五斗又應劭漢書曰張  
 敬蕭望之曰大倉廩實而知禮節衣食足而  
 知禁辱今小吏俸率不足常有憂父母妻子之心難欲潔身為  
 廉其勢不能可以十率增天下吏俸宣帝乃益天下吏俸十二

百石言十至成帝陽朔二年除八百石五百石秩除八百就  
 四百石綏和二年又益三百石以下俸凡吏比一千石以上年老  
 致仕者三分故祿以一與之終其身其時亦有俸錢之差但本  
 禹上書曰臣為諫議大夫秩八百石俸錢月九千二百廩食大  
 官又拜為光祿大夫秩二千石俸錢月萬二千祿賜愈多家日  
 以益中二千石月俸百二十千石比二千石比二千石比二千石  
 高百石比四百石比四百石比四百石比四百石比四百石  
 三百石比二百石比二百石比二百石比二百石比二百石  
 七斛比二百石比二百石比二百石比二百石比二百石  
 吏理也主百石以下有斗食佐吏之秩顏師古曰漢官名秩簿  
 理其縣內百石以下有斗食佐吏之秩云斗食月俸一十斛佐  
 吏月俸八斛也一說斗食者歲俸不滿是為小吏本史王莽詔  
 百石計日而食一斗二升故云斗食也曰自公卿以  
 下一月之祿十斛縱布二疋或帛一疋予每念之令俸祿一  
 歲六十斛以差增上至四輔而為萬斛孟康曰縱八十縷也  
 後漢大將軍三公俸月三百五十斛風俗通曰漢制三公一歲  
 舉大至建武二年六年增百官俸其千石以上減於西京舊制  
 數也本史永初四年又減百凡諸受俸皆取  
 六百石以下增於舊秩官及州郡縣俸各有差

半錢穀延平中定制中二千石月俸錢方十斛真二千石錢六千

二千石錢五千比二千石錢三千千石錢二千六百石錢一千

四百石錢五百三百石錢三百二百石錢二百一百石錢一百

二千石承比六百石令相千石者丞尉皆四百石其六百石者

丞尉皆三百石長相四百石及三百石者丞尉皆二百石諸侯

公主家丞秩皆比三百石諸邊障塞尉諸陵校尉皆二百石有

常例者不署秩本大將軍三公臘賜錢穀二十萬牛肉二百斤

糶米二百斛特進侯以下各有差立春之日遣使者賜文官司徒司空帛

三十疋九卿十五疋武官太尉大將軍各六十疋執金吾諸校

尉各三十疋武官倍文官漢官儀獻帝建安八年頒賜三公以下

金帛由是三年一賜以為常例本文晉制諸公及開府位從公第一食俸日五斛給絹春百

疋秋二百疋綿二百斤特進食俸日四斛春服絹五十疋秋綿

百五十疋綿一百五十斤光祿大夫食俸日三斛春賜絹五十

疋秋百疋綿百斤尚書令食俸日五十斛春絹三十疋秋七

十疋綿七十斤太子太傅少傅食俸日三斛春賜絹五十疋

秋百疋綿百斤

右通典所載歷代祿秩惟不及魏晉今於晉書百官志

錄出前條以補之但志所載惟及諸公開府位從公者

與特進光祿大夫尚書令太子二傅而餘官祿秩皆無

可考則亦未為全備也

宋氏以來州郡秩俸及雜供給多隨土所出無有定准末元初

詔二品清官以上應食祿者有二親或祖父母年登七十並給

見錢其郡縣田祿以芒種為斷此前去官者則一年秩祿皆入

前人此後去者悉入後人元嘉末又改此制計月分祿武帝初即位制

凡中二千石

齊氏衆官有僮幹之役不詳其制五年制二品清官行

梁武帝天監初定九品帝於品下注一品秩為萬石第二第

三品為中二千石第四第五品為二千石及侯景之亂國用常

補京官文武月唯別得廩食多遙帶一郡縣官而取其秩焉

楊徐等大州比令僕班揚州督王畿理在建康徐州督重鎮理

寧桂等小州比參軍班寧州理建寧令雲南郡桂州理

郡會稽等郡同太子詹事尚書班丹陽

高京晉康等小郡三班而已高

大郡六班小縣兩轉方至一班品

若給刺史守令等先准其所部文武人物多少由勅而裁凡

秩秩既通所部兵士給之其家得蓋少諸王諸主出閣就第

冠所須及衣裳服飾并酒米魚鮭香油紙燭等並受官給之王

及主婿外祿者不給解任還京仍亦公給

後魏初無祿秩者至孝文太和八年始班俸祿罷諸商人以民

事戶增調三疋穀三斛九升以為官司之祿均預調為二疋之

賦祿之後賦滿一疋者死其祿每季一請於是百官受祿有差

北齊官秩一品每歲八百疋為一百疋從一品七百疋為一百疋

秩二品六百疋為一百疋從二品五百疋為一百疋三品四

百疋為一百疋從三品三百疋為七十五疋四品二百四十疋為六十疋

秩從四品二百疋為五十疋五品一百六十疋為四十疋從五品一

百二十疋為三十疋六品一百疋為二十五疋從六品八十疋為二十

錄決

四

職事官

一秩七品六十疋十五疋為一秩從七品四十疋十疋為一秩八品三十六疋九疋為一秩

九品二十八疋七疋為一秩從九品二十四疋六疋為一秩祿率一分以帛一分以粟一分以錢事繁

者優一秩平者守本秩閑者降一秩長兼試守者亦降一秩官

非執事不朝拜者皆不給祿州郡縣制祿之法刺史守令下車

各前取一時之秩上上州刺史歲秩八百疋司縣牧同上中上

下各以五十疋為差中上降上下一百疋中中及中下亦以十

疋為差下上降中下一百疋下中下亦各以五十疋為差上

郡太守歲秩五百疋降清都尹五十疋上中上下各以五十疋

為差中上降上下四十疋中中及中下各以三十疋為差上下

降中下四十疋下中下各以二十疋為差上上縣歲一百五

十疋與鄴臨漳成安三縣同上中上下各以十疋為差中上降

上下三十疋中中及中下各以五疋為差上下降中下二十疋

下中下各以十疋為差州自長史下逮於史吏郡縣自丞以

下逮於掾佐亦皆以帛為秩郡有尉者尉減丞之半皆以其所

出常調課給之自一品以下至流外勳品各給事力一品至三

十人下流外勳品或以五人為等或以四人二人一人一人為

等繁者加一等平者守本力閑者降一等諸州刺史守令以下

幹及力皆聽勅及給其幹出所部之人一幹輪緝十八疋幹身

放之力則郡縣白直充

後周制祿秩下士一百二十五石中士以上至於上大夫各倍

之上大夫是謂四千石卿二分孤三分公四分各益其一公因

盈數為萬石其九秩一百二十石八秩至於七秩每二秩六分

而下各去其一二秩一秩俱為四十石凡頒祿視年之上下畝

至四釜為上年上年頒其正三釜為中年中年頒其半二釜為

下年下年頒其一無年為凶荒不頒祿

職事官 祿秩

隋京官正一品祿九百石其下每以百石為差至正四品是為  
三百石從四品二百五十石其下每以五十石為差至正六品  
是為一百石從六品九十石以下每以十石為差至從八品是  
為五十石食封及官不判事者并九品皆不給祿其給皆以春  
秋二季刺史太守縣令則計戶而給祿各以戶數為九等之差  
大州六百二十石其下每以四十石為差至於下下則三百石  
大郡二百四十石其下每以三十石為差至於下下則一百石  
大縣百四十石其下每以十石為差於下下則六十石其祿唯  
及刺史二佐及郡守縣令志本文帝時嘗以百僚供費不足羣省  
寺咸置解錢取息取給工部尚書蘇孝慈以為官人爭利非  
興化之道上表請罷從之公卿以下乃給職田各有差本義定  
唐王為相國罷外官給祿每十斛給地二十畝

唐制以地之京官正一品七百從一品六百正二品五百  
從二品四百正三品三百從三品二百正四品一百從四品八十  
正五品七十從五品六十正六品五十從六品四十  
正七品三十從七品二十正八品十從八品五正九品五從九品三  
在京國諸司文武官職事九品以上并左右千牛備身左右太  
子千牛並依官給其春夏二季春給秋冬二季秋給凡京文武  
祿從一十五萬一千五百三十其在外文武官九品以上准官  
皆降京官一等給其文武官在京長上者則不降諸給祿應降  
品各以五十石為一等二品皆以三十石為一等四品五  
品皆以二十石為一等六品七品皆以十五石為一等八品九品  
皆以十石為一等其俸錢之制京司諸官初置公廨令行署及蕃官  
與易以充其俸貞觀十二年罷公廨置胥士七千人取諸州上  
戶為之准防閣例而收其課三歲一更計員少多而分給焉貞

唐制以地之京官正一品七百從一品六百正二品五百  
從二品四百正三品三百從三品二百正四品一百從四品八十  
正五品七十從五品六十正六品五十從六品四十  
正七品三十從七品二十正八品十從八品五正九品五從九品三

觀十五年以府庫尚虛勅在京諸司依舊置公廨給錢充本置  
令史府史胥士等令迴易納利以充官人俸諫議大夫褚遂良  
上疏言其不便 太宗納之停諸司提錢依舊本府給月俸二  
十一年復依古制置公廨給錢為之本置令胥士等職賈易收  
息以充官俸末徽元年悉廢胥士等更以諸州租庸脚直充之  
其後又令薄賦百姓一年稅錢依舊史高戶及典正等掌之每  
月收息以充官俸其後又以稅錢為之而罷其息利○凡京文  
武正官每歲供給俸食等錢并防閑廄僕總一十五萬三千七  
百二十貫員外官不在此數外官則以公廨田收及息錢等常食公用  
之外分充月料先以長官定數其州縣少尹長史司馬及丞各  
減長官之半尹大都督府長史副都督別駕及判司准二佐以  
半田數為加減其參軍及博士減判司主簿縣尉減縣丞各三  
分之一謂內外員外官同正員官祿料賜會食料之事以上並同正員其不同正員有祿賜食料亦同正員餘各給半

職田並不給自乾元之後以京內供奉及裏行不帶本官者祿  
賦不給內外官俸各減其半內供奉及裏行不帶本官者祿  
俸食料防閑廄僕一事以上並同正官帶官者聽從多處給若  
帶外官者依京官給食料賜會諸檢校及判試知等官不帶內  
外官者料度一事以上准員外官同正員例給若檢校及判試  
知處正官見闕者兼給雜用其職田不應入正官者亦給其侍  
中及監察御史知式  
並同內供奉裏行例儀鳳二年制內外官俸食防閑廄士白  
直等宜令王公以下率口出錢以充給焉 調露元年九月職  
年五品以上准舊給仗身  
武太后光宅元年九月以京官八品九品俸料授簿諸八品每  
年給廄僕三人九品二人又有親率族內六品子為親事  
七品子為僕事  
八品子為僕事凡王公以下及文武職事三品以上帶勳  
官者則給之其親事府內府  
官所在王侯第三師三公開府儀同三司一百  
二十人人嗣王郡王八十人上柱國帶二品以上職事五十人帶三品職事

六十柱國帶二品以上職事七十人帶三品職事六十人上護軍帶  
二品以上職事七十人帶三品職事五十人護軍帶二品以上職事  
六十帶三品職事六十人諸州縣之官流外九品以上皆給白直  
二品四十人三品三十人四品二十人五品十人六品計七品七品七人其  
六八品五人九品四人○諸州縣官流內九品以上及在外監五  
品以上皆給執衣隨身驅使典執舉現其二品十人三品十人  
四品十人五品九人六品七人各六人八品九人九品各三人開津兵分  
為三番每周而代不職代初以民丁中男充為之役使者不得  
踰境後皆捨其身而收其課課入所配之官遂為恒制漢戍之  
官以鎮戍上中下為差上鎮給伏身四人中下鎮將副各三人  
中下鎮副各二人倉曹兵曹戍主副各一人其伏身十五日一  
時收資六百四十○開元十年正月省王公以下視品官參佐  
及京官五品以上官仗身職員凡京師文武職事官五品以上

給防閣一品九人二品七人三品八人四品二人五品四人  
品以下給庶僕六品五人七品四人八品三人九品二人○公主邑士八  
人郡主六十人縣主四十人特封縣主三十人京官仕兩職者從多給  
凡州縣官皆有白直二品四十人三品三十人四品二十人五品十人  
六品十人七品六人八品五人九品四人○凡諸親王府屬並給士力  
數如白直其防閣庶僕白直士力納課者每年不過二千五百  
執衣元不過一千文防閣庶僕舊制季分月俸食料雜用即有  
分諸官應月給開元二十四年六月仍撮而同之通謂之俸料  
一品月俸料八千食料千八百雜用千二百防閣十五千通計  
二十四千二百三品月俸五千食料千一百雜用九百防閣十  
千通計十七千四品月俸三千五百食料七百雜用七百防閣  
六千六百六十七通計十一千五百六十七五品月俸三千食  
料六百雜用六百防閣五千通計九千二百六品月俸二千食

卷之八

料四百雜用四百庶僕二千五百通計五千四百七品月俸千七百五十食料三百五十雜用三百五十庶僕千六百通計四千五十八品月俸千三百五十食料三百雜用三百庶僕六百通計二千五百五十九品月俸千五百食料二百五十雜用二百庶僕四百通計千九百其數自國初以來即有中開員外官帶同正者不減正員官食料錢不帶同正者減半致仕官建中前請半祿料及賜物等並宜從勅出日於本貫及寄住處州府支給至貞元四年四月勅其宴會及朔望朝參等禮並依常式自今已後諸州縣不配防人處城及倉庫門各二人須守護者取年十八已上中男及殘疾據見在數均為番地勿得偏併每番一旬每城門各四人倉庫門各二人其倉門每萬石加一人其京兆河南府及赤縣大門各六人庫門各三人其須修理官人聽量配使番上不到應須徵課者每番滿五旬者殘疾關月不得過自七十月不得過二百文免課調中男免雜徭其州城郭之下戶數不登者通取於他縣

總謂之門夫其後舉其名而徵其資以給郡縣之官其門之多少課之高下任土作制無有常數天寶五載制郡縣白直計數多少同料錢加稅以充之不得配丁為白直十四歲八月制兩京文武官九品以上正員官自今以後每月給食雜用防閤庶僕等宜十分率加二分其同正官加一分乃永為常式乾元元年制外官給半料以職田不給料令度支使量開劇司給手力課員外官一切無料大曆三年通計京城諸司每月給手力資錢凡四萬七千五百四十六貫四十八並以下青苗錢充初以常賦不給乃稅人墾田畝十有五錢資用窘急不暇成熟候苗青即征之故謂之青苗錢主其任者為青苗使貞元四年正月勅京文武官員及兩京府縣官總三千七百七貫據元給及雜加每當錢五萬一千四百四貫六百一十七文一年天寶七年九月都當六十一萬六千八百五十五貫四百文勅五品以上正員清官諸道節度使及太守等並聽常蓄絲竹以展權娛行樂盛時式罩中外至八年六月勅其男口給使王公家不過二十人其職事官一品不得過十人三品不得過八人四品不得過六人五品不得過四人京文武清官六品七品

職官錄失  
文獻通考卷六十五  
九  
崇禎三年重刊



不得過二人八品九品不得過一人

百官家蓄絲竹及給使口

於庶僕俸

建中三年令文武百官每月料錢一百貫以上者三

分減一八十貫以上者五分減一餘減有差三十貫以下者不

減待兵革寧後依舊 興元元年乃詔準元數支給

元和七年中書門下奏國家依品制俸官一品月俸三十千職

田祿米大約不過千石一品以下多少可知艱難以來網禁漸

弛於是增置使額厚請俸錢故大曆中權臣月俸有至九千貫

者列郡刺史無大小給皆千貫常袞為相始立限約至李泌又

量其閑劇隨事增時謂通濟理難減消然有名存職廢額去俸

存閑劇之間厚薄頓異乃令詳定減省 十五年敕近者每歲

給費量入不充外官俸祿據數抽貫今幸遇豐登八方寧謐其

度支所準勅應給用錢每貫抽五十文都計一百五十萬貫文

並宜停抽 大中六年中書門下奏應諸州刺史既欲責其潔

已須令俸祿稍充但以厚薄不同等級無制致使俸薄處

願去祿厚處終日爭先應中下州司馬軍事俸料其不滿一百

千者請添至一百千緊上州添至一百五十千雄望州添至二

百千先已過者即仍舊

梁開平三年詔百官俸料委左藏庫依則例全給

漢乾祐三年勅諸道州府令錄判官主簿宜令等第支與俸戶

逐戶每月納錢五百與除二稅外免放諸雜差遣不得更種職

田所定俸戶於中等無色役人戶內置不得差令當直及赴衙

叅若是令錄判司主簿除本分人數外剩占俸戶及令當直手

力更納課錢並許百姓陳告

周顯德五年中書奏諸道州府縣官及軍士判官並依則例定

料錢及米麥等以來年支給其內外官課戶莊戶俸戶柴炭紙

筆戶等並停如今後更有人戶願充此等戶者仰本州勒充軍

錢官 錄失

戶配本州牢城執役

宋興咸平間知制誥楊億上疏言唐制內外官俸錢支外有祿米職田又給防閣庶僕親事帳內執衣白直門夫各以官品差定其數歲收其課資於家本司又有公廨田食奉錢以給公用自唐末離亂國用不充百官俸錢並減其半自餘別給一切權罷官於半俸之中已是除陌又於半俸三分之一內其二分以他物給之鬻於市廛十裁得其三曾糊口之不及豈代耕之足云昔漢宣帝下詔云吏能勤事而俸祿薄欲其無侵漁百姓難矣遂加吏俸著於策書切見今之結髮登朝厥方就列其俸也不能致九人之飽不及周之上農其祿也未嘗有百石之入不及漢之少吏若乃左右僕射百僚之師長位莫崇焉月俸所入不及軍中千夫之師甚可駭也豈稽古之意哉欲乞百官俸祿雜給並循舊制既豐其稍入可責以廉隅直限以常員理當減於

舊制又唐虞之制也 乾興已後俸祿添給僚人餐錢之制更革為多至嘉祐始制於祿令自宰相而下至獻瀆廟主簿比四十一等熙寧以來悉用嘉祐祿令無所損益元豐一新官制職事官祿錢以寄祿官高下分行守試三等大率官以祿令為準而在京官司供給之數皆併為職錢如大夫為郎官既請大夫俸錢又給郎官職錢視嘉祐時祿錢為優至崇寧間蔡京秉政吳居厚張康國輩貪鄙為徒於寄祿官俸錢職事官職錢外復增給食料等錢如京僕射俸外又請司空俸其餘僚從錢米並支本色餘執政皆然視元豐制祿之法增倍矣中興俸祿之制參用嘉祐元豐政和之舊少所增損惟兵興之始也宰執請受權支三分之一或支三分之一或支三分之一半隆興及開禧自陳損半支給皆權宜也其後內外官有添支料錢職事官有職食厨食錢職纂修者有折食錢在京釐務官有添支錢添支米

選人使臣職田不及者有茶湯錢其餘祿粟俸人悉還疇昔今  
合新舊制而叅紀之元豐定制以官寄祿中興重加修定  
文臣請俸

開府儀同三司料錢一百貫特進九十貫春冬衣絹各二十  
五疋小綾一疋

金紫光祿大夫銀青光祿大夫料錢各六十貫春冬絹各二  
十疋小綾七疋春羅一疋冬

宣奉大夫正奉大夫正議大夫通奉大夫料錢各五十貫春  
冬絹各十七疋小

通議大夫太中大夫中大夫中奉大夫中散大夫料錢各四  
十五貫春

朝議大夫奉直大夫朝請大夫朝散大夫朝奉大夫以上料  
錢各三

朝議郎朝散郎朝奉郎以上料錢各三十貫春冬絹各  
十二疋春羅一疋冬綿三十兩

奉議郎料錢二十貫春冬絹各十  
疋冬綿二十兩

通直郎料錢十五貫春冬絹各七  
疋冬綿二十兩

宣義郎料錢十貫春冬絹各五  
疋冬綿十五兩

承事郎料錢五貫春冬絹各三  
疋冬綿十兩

承奉郎料錢三貫春冬絹各二  
疋冬綿六兩

承務郎料錢七貫元豐以來  
支

以上料錢一分見錢二分折支每貫折錢在京四百文在外四  
百文到任添給驛料

承直郎料錢二十五貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

承直郎料錢二十貫茶湯錢十  
貫厨料米六斗麵一石二

儒林郎料錢二十貫茶湯錢十貫 料錢二十貫茶湯錢十貫

文林郎料錢十五貫茶湯錢十貫 料錢十五貫茶湯錢十貫

從仕郎從政郎 從政郎料錢十貫 從政郎料錢十貫

迪功郎料錢十貫 料錢十貫

以上錢所支中給一半見錢一半折支每貫折見錢七百文

務日給滿替日住

武臣請俸 太原料錢一百貫 料錢一百貫

正任節度使在光祿大夫之下 初除及管軍

承宣使在通議大夫之下 料錢

觀察使在中大夫之下 料錢

防禦使在中散大夫之下 料錢

團練使在中散大夫之下 料錢

諸州刺史在中散大夫之下 料錢一百貫

自承宣使以下不帶階官者為正任帶階官者為遙郡各在

正任之下請俸與次任正任一同靖康指揮遙郡以上俸錢

殿前三衛 殿前三衛

殿前諸班直都虞候諸軍都指揮使遙郡刺史料錢五十貫

龍衛神衛右廂都指揮使遙郡團練使料錢五十貫

龍神衛諸軍都指揮使遙郡刺史料錢五十貫

左右衛上將軍在光祿大夫之下 料錢

諸衛上將軍在通直大夫之下 料錢

左右金吾衛大將軍在中散大夫之下 料錢

諸衛大將軍在中散大夫之下 料錢

崇禎二年重刊

崇禎二年重刊

崇禎二年重刊

崇禎二年重刊

崇禎二年重刊

諸衛將軍 在朝奉郎之下料錢二十貫春冬綾各二疋絹各七疋春羅一疋冬綿十五兩

率府率 在奉議郎之下 在通直郎之下料錢十三貫春冬各五疋春羅一疋冬綿十五兩

通侍大夫 在中散大夫之下料錢五十貫祿粟二十五石春各七疋冬絹十疋絹十疋絹三十兩兼二十人馬三疋

正侍大夫宣正大夫履正大夫協忠大夫中侍大夫 以上在

大之下料錢各三十七貫祿粟一十五石春各七疋冬絹十疋綿三十兩兼二十人馬三疋

中亮大夫 在中散大夫之下料錢三十七貫祿粟一十五石春各七疋冬絹十疋綿三十兩兼二十人馬三疋

中衛大夫翊衛大夫親衛大夫 在下防禦使之上

拱衛大夫左武大夫右武大夫 並在奉直大夫之下諸同正

買春絹七疋冬絹一疋綿三十兩

武功大夫武德大夫武顯大夫武節大夫武畧大夫武經大

夫武義大夫 並在朝奉大夫之下以上各料錢二十五貫

武翼大夫 同上

正侍郎宣正郎履正郎協忠郎中亮郎中衛郎

郎親衛郎拱衛郎左武郎右武郎 以上並在朝奉郎之下

武功郎武德郎武顯郎武節郎武畧郎武義郎武翼郎 並在

郎之下以上各料錢二十貫祿粟一十五石春各七疋冬絹十疋綿三十兩兼二十人馬三疋

訓武郎 冬料錢十七疋綿二十兩

脩武郎 冬料錢十七疋綿二十兩

從義郎秉義郎 並料錢十四疋冬綿五疋綿十兩

忠訓郎忠翊郎 並料錢十四疋冬綿五疋綿十兩

成忠郎保養郎 並料錢十四疋冬綿五疋綿十兩

承節郎承信郎 並料錢十四疋冬綿五疋綿十兩

進武校尉 冬料錢三疋春各二疋

進義校尉 冬料錢三疋春各二疋

下班祇應各職差使理年不等自三年至十二年 進武副尉料錢

進義副尉料錢

守闕進義副尉料錢

料錢職錢 紹興仍政和之舊宰相

樞密使料錢月三百貫政和左右樞密使料錢同中書門下平章事為宰相舊制

知樞密院事參知政事樞密副使同知樞密院事僉書樞密院事各料錢

太師太傅太保少師少傅少保料錢

開封收錢一百貫春服羅一疋小綾五疋冬服

太子太師太保太傅職錢二百貫春服羅一疋小綾十疋冬服

少師少傅少保百五十貫春冬服小綾各七疋絹各二疋

御史大夫六部尚書行六十貫守五十五貫試五十貫春服

翰林學士承旨翰林學士五十貫春服

左右散騎常侍行五十五貫守五十貫試四十五貫春服小

操六曹尚書御史中丞六曹侍郎並同常侍太子賓客行五

給事中中書舍人行五十貫守四十五貫

左右諫議大夫行四十五貫守四十貫

權六曹侍郎職錢四十貫餘同上

職官 條夫

崇禎三年重刊

太常寺正卿 行三十八貫守三十五貫試

秘書監 行四十二貫守三十三貫試三十五貫

七寺卿國子祭酒 行三十五貫守三十貫試三十貫文

太常寺少卿秘書少監 行二十八貫守三十貫試二十八貫

中書門下省檢正諸房公事左右司郎中 行四十貫守三十貫試二十七貫

國子司業少府將作軍器監 行三十二貫守二十貫試二十八貫

太子少詹事 行三十五貫守三十貫試三十貫

太子左右諭德 行三十二貫守二十九貫試二十九貫

起居郎起居舍人侍御史 行三十七貫守三十二貫試三十二貫

左右司員外郎六曹郎中 同

殿中侍御史左右司諫 行三十五貫守三十二貫試三十二貫

左右正言 行三十二貫守二十七貫試二十七貫

諸司員外郎 同司

少府將作軍器少監 行三十五貫守二十五貫試二十五貫

太子侍讀侍講 行三十五貫守二十二貫試二十二貫

監察御史 同正

太子中舍人太子舍人 行二十貫守十九貫試十八貫

太常丞太醫令宗正丞知大宗正丞秘書丞大理正著作郎

任館職寺監丞簿評事臺法主簿寺簿正司直添給職錢一

十六貫指禱每

月特支米三石

七寺丞 行三十二貫守二十二貫試二十二貫

秘書郎 行三十二貫守二十一貫試二十一貫

太常博士 同七

著作佐郎 同七

國子監丞 同七

大理司直評事 同著

少府將作都水監丞 行三十貫 守十八貫

秘書省校書郎 行十八貫 守十貫 試十四貫

正字 行十六貫 守十貫 試十四貫

御史臺檢法主簿九寺簿 行二十貫 守十八貫

諸王宮大小學教授太武學博士 行二十貫 守十八貫 試十貫 今諸王府明善贊讀

直講記室料 錢並支見錢

律學博士 行十八貫 守十貫 試十六貫

太常寺奉禮郎 行十六貫

太常寺太祀郊社令 行十八貫 守十六貫

太官令 行十八貫

五監主簿 行十八貫 守十六貫

太學正錄武學諭 行十八貫 守十貫 試十六貫

律學正 行十六貫 守十貫 試十四貫

密院官屬都承旨承旨 料錢四十貫 職錢三十貫 承旨二十貫 承旨一疋小綾二疋絹

十五疋冬服小綾五疋 絹十五疋綿五十兩

副都承旨 料錢三十貫 職錢二十貫 副承旨諸房副承旨十貫 若諸房副承旨同主管承旨司公事加五貫

春衣羅一疋 絹一十五疋 疋冬絹同綿二十兩

檢詳諸房文字 職錢二十五貫 厨食錢每日五百文

計議編修官 添支錢十貫 第三等折食錢三十五貫 厨食錢每日計五百文

凡諸職事官職錢不言行守試者准行給職事官衣如寄祿官

例及無立定則例者隨寄祿官給職料錢米麥計實數給兩應

給者 識職錢 米麥 從多給諸承直以下充職事官 謂大理司直評事 秘書省正字太學

博士正錄武學博士論律學博士正 聽支階官請受及添給諸稱請受者謂衣糧

料錢餘並為添給

舊制觀文殿學士三十貫 米三石 麵五石

觀文殿大學士資政保和殿大學士二十貫 米三石 麵五石



資政保和殿大學士十五貫

米三石麵五石同上春冬小綾各五疋絹各十七疋春羅一疋

冬綿十

龍圖天章寶文顯謨徽猷敷文閣學士直學士十五貫

春冬小綾

各三疋絹各十五疋春羅一疋冬綿十五兩

寶和殿龍圖天章寶文顯謨徽猷敷文閣待制同

先是大觀或言添支厚薄不均其後自學士而下改名貼職錢

觀文殿大學士貼職錢一百貫文米麥各二十五石

觀文殿大學士添支米三石麵五石方子茶二斤

資政保和殿大學士貼職錢八十貫添支米麥同

資政保和殿學士貼職錢七十貫米麥同添支麵同方子茶二斤春冬綾五疋絹十七疋綿五十兩羅

端明殿學士貼職錢五十貫米麥二石添支米三石麵五

石方子茶二斤春冬綾五疋絹一十七疋羅一

疋冬綿五十兩

龍圖天章寶文顯謨徽猷敷文閣學士樞密直學士貼職錢

四十貫米麥各四十石添支米二石麵五石方子茶二斤春冬綾五疋絹十七疋春羅一疋冬綿五十兩

龍圖天章寶文徽猷敷文閣直學士保和殿待制貼職錢三十

各十七石五斗春冬綾各三疋絹十五疋春羅一疋冬綿五十兩

龍圖天章寶文顯謨徽猷敷文閣待制貼職錢二十貫米麥

綾各三疋絹十五疋春羅一疋冬綿五十兩

集英殿修撰右文殿修撰秘閣脩撰以上貼職錢各十五貫

直龍圖天章寶文閣直顯謨徽猷敷文閣直秘閣以上貼職錢各十貫

宣和間罷支貼職錢仍舊制添支紹興因之令諸觀文殿大

學士至保和殿大學士料錢春冬服隨本官資政殿大學士至

待制料錢隨本官春冬服從一多給又諸學士添支錢曾任執

政官以上者在京外任並支其餘在京支外任不支米麵茶炭

俸馬僉人衣糧內外任並給酒添支馬草料外任勿給外此有

依祖例添支

如六部尚書而下職事官八等第支厨食錢自十

錢監脩國史

四貫至九貫凡四等並依宣和指揮修書官折食

支如紹興元

年指揮館職寺監直簿評事臺法主簿寺正司直

太常博士

添職錢十貫文職六年指揮五寺三監秘書大宗正丞

事臺濤剛定

官檢鼓奏告院特支米三石計議編脩官二石

各有序次

其在外知判州府軍監等分曹列屬等第多寡有以

州望者

荆南永興江寧揚潭州三十千鳳翔洪州二十千廣州

等使者

河北四路真定府約銅錢數給三有以都總管經略安撫

路

永興路知渭州環慶路知慶州兼知秦州涇州河東路知大名府

任兩府

並五十千太中大夫待制以上三十千並特添二十千

帶學士

即五十千無特給三路管幹機宜文字朝官十千京官

七千

知桂州充廣南西路都鈐轄經略安撫使自太中大夫待

制及中散

大夫以上三十千路安撫管幹經畧司公事

河北沿邊安撫副使都監以橫行使充三十千

自橫行副使并武功大夫

至教武郎以上充二十千乘義郎閣門祇候充都監郎十五千

同管幹河東沿邊安撫司公事

以橫行副使至教武郎以上二十千

乘義祇候通判大藩京朝

官有二十千至十千者餘州軍十千至七千者京官七千

京官通判

成都府給鐵錢

八十千京官六十千朝官通判成都府梓州夔州軍府給鐵錢七十千京官五十千

十千京官七千

朝官簽判成都梓州給鐵錢三路都轉運使淮南

荆湖江浙制置茶鹽礬稅都大發運使太中大夫待制中散大

夫以上三十千朝官充發運使副二十千

武功大夫至武翼郎充發運使副都監同

朝官充判

官十千三門白波發運使朝官三十千朝官充判官十

轉運使副朝官二十千

任成都梓州夔州夔州給鐵錢自府界并諸

路州府庫監縣鎮監當官七十千京官五千至四千有二等武

功大夫以下至進義校尉自十千至三千凡七等

朝官任川峽州府軍監給

鐵錢五十千

京官三十千至二千五百凡二等進義校尉朝官充

尉以上成都梓州夔州

夔州給鐵錢自六十千至二千五百凡二等進義校尉朝官充

陝西及江浙荆湖福建廣南提舉提點鑄錢等公事自二十千  
至十五千凡二等朝官充都大提舉河渠司幹當及提舉宮觀  
併催遣輦運催綱諸州監物務等自十五千及七千凡三等任  
路給鐵錢京官充催促輦運催裝斛斗綱船并諸州監物務等  
自七千至五千凡二等任川路給鐵錢都大提舉修護黃河防埽  
岸諸處巡檢並監北京大內軍器庫并蔡河撥發催綱等並以  
兩省供奉官以下至內品充自十千至三千凡七等凡外任添  
給羊有二十口至二口凡六等米有二十石至二石凡七等麵  
有三十石至二石凡七等兼有二十人至二人凡七等馬有十  
匹至一匹凡六等 祿粟及隨身元隨僕人之制 宰相祿粟  
一百石紹興三公侍中中書尚書令左隨身七十人知樞密院  
專叅知政事樞密副使同知樞密院事祿粟一百石隨身五十  
人太師太傅太保少師少傅少保一百石舊制百隨身一百人

太尉具俸一百石隨身五十人節度使具俸元隨五十人承宣  
使具俸元隨五十人觀察使防禦使具俸元隨三十人團練使  
具俸元隨三十人諸州刺史同上元隨二十人通侍大夫正侍大  
夫宣正大夫贊正協忠中侍中亮大夫具俸捧日天武  
左右廂都指揮選郡團練使五十石兼十人兼十人  
殿前諸班直都虞候諸軍都指揮使選郡刺史二十五石兼  
五人兼諸學士添支米麩已附于前今載觀  
文殿大學士兼二十人觀文殿學士資政保和殿大學士兼  
人資政保和殿學士龍圖天章寶文顯謨徽猷敷文閣學士兼  
七人樞密都承旨兼十人副都承旨諸房副承旨七人其餘京  
畿守令幕職曹官自十石七石五石至于二石各有等中書堂  
後官提點五房公事遂房副承旨自七人五人至于一人各有  
數因仍前制舊史已書凡任宰相執政有隨身太尉至刺史有

皇朝通志卷之六十一

元隨餘止僦人紹興折色凡祿粟每名細色六斗米麥中支晉軍給米六分  
分麥四隨身元隨僦人糧每斗折錢二十文表納絹每疋一貫布  
每疋二百五十五文綿每兩四十文

職田官品占田

孟子大國地方百里君十卿祿卿祿四大夫大夫倍上士上士  
倍中士中士倍下士下士與庶人在官者同祿祿足以代其耕  
也次國地方七十里君十卿祿卿祿三大夫大夫倍上士上士  
倍中士中士倍下士小國地方五十里君十卿祿卿祿二大夫  
大夫倍上士上士倍中士中士倍下士

朱子集註曰徐氏曰大國君田二萬二千畝其入可食二  
千八百八十人卿田三千二百畝可食二百八十八人大  
夫田八百畝可食七十二人上士田四百畝可食三十六  
人中士田二百畝可食十八人下士與庶人在官者田百

畝可食九人至五人次國君田二萬四千畝可食二千一  
百六十人卿田二千四百畝可食二百一十六人小國君  
田一萬六千畝可食千四百四十人卿田一千六百畝可  
食一百四十四人愚按君以下所食之祿皆助法之公田  
藉農夫之力以耕而收其租士之無田與庶人在官者則  
但受祿於官如田之入而已

王制夫圭田無征

鄭氏曰夫猶治也征稅也孟子曰卿以下必有圭田治圭  
田者不稅所以厚賢也此則周禮之士田以任近郊之地  
晉武帝平吳之後有司奏詔書王公以國為家京城不宜復有  
田宅今未暇作諸國邸當使城中有往來之處近郊有芻蕘之  
田今可限之國王公侯京城得有一宅一廡近郊田大國田十  
五頃次國十頃小國七頃城內無宅城外有之皆聽留之其官

品第一至于第九各以貴職占田品第一者占五十頃第二品四十五頃三品四十頃四品三十五頃五品三十頃六品二十五頃七品二十頃八品十五頃九品十頃而又各以品之高卑陰其親屬多者及九族少者三世宗室國賓先賢之後及士人子孫亦如之而又得蔭人以為衣食客及佃客品第六已上得衣食客三人第七第八品二人第九品及舉輦跡禽前驅由基

晉書百官志諸公及開府位從公者給菜田十頃騶十人立夏後不及田者食俸一年特給菜田八頃騶八人立夏後不及田者食俸一年光祿大夫給菜田六頃田騶六人尚書令太子太

傅少傅給田騶並同光祿

按孟獻子曰畜馬乘不察於雞

伐冰之家不畜牛豕

百乘之家不畜聚斂之臣言公卿士夫既有俸廩不與民爭利也漢列侯封君食租之君則二十萬可謂富矣而復

歲率戶二百如千戶富人廣畜田園如田

蚡以外戚為相奉邑飲食收多且治宅田諸第田園極膏腴之類是也漢時亦未曾為之制至晉武詔王公以國為家京城不宜復有田宅欲為之限得古意矣然所謂城中有往來之地近郊有芻蕘之田則似王制所謂湯沐之地且所限止於京城則王戎所謂園田水碓周徧天下者國未嘗為之限何耶

東晉寓居江左以來都下人多為諸王公貴人左右佃客典計衣食客之類詳見官品占戶門

宋孝武時官品第一第二聽占山三頃第三第四品二頃五十畝第五第六品二頃第七第八品一頃五十畝第九品及百姓

一頃詳見征權山澤門

魏制諸宰人之官各隨近給公田刺史十五頃太守十頃治中別駕各八頃縣令郡丞六頃更代相傳書者坐如律

隋文帝令自諸王以下至于部督皆給末業田各有差多者至

百頃少者至三十頃其下男中男末業露田皆遵後齊之制並

課樹以桑榆及棗其田宅率三口給一畝京官又給職分田一

品者給田五頃至五品則為田三頃其下每品以五十畝為差

至九品為一頃外官亦各有職分田又給公廨田以供用

開皇八年高頴奏諸州無課調處及課州管戶數少者官人祿

力乘前以來恒出墮近之州但判官本為牧人役力理出所部

請於所管戶內計戶徵稅帝從之先是京官及諸州並給公廨

錢迴易生利以給公用至是蘇孝慈等以為所在官司因循行

昔皆以公解錢出舉與生唯利是求煩擾百姓奏皆給地以營

農迴易取利一皆禁止十七年詔在京及在外諸司公解在市

迴易及諸處與生並聽之唯禁出舉收利云

唐凡京諸司各有公廨田司農寺給二十頃殿中省二十頃少府監

二十頃太常寺二十頃京兆府河南府各十頃太府寺十六頃吏戶部各

十頃兵部內侍省各十頃中書省將作監各十頃刑部大理寺各二頃尚

書都督門下省太子左春坊各十頃工部十頃光祿寺太僕寺秘書

省各九頃禮部鴻臚寺都水監太子詹事府各八頃御史臺國子監

京縣各七頃左右衛太子家令寺各六頃衛尉寺左右驍衛左右武

衛左右威衛左右領軍衛左右金吾衛左右監門衛太子左右

春坊各五頃太子左右衛率府太史局各四頃宗正寺左右千牛衛

太子僕寺左右司衛率府左右清道率府左右監門率府各三頃

戰官 錄失 大正通考卷六十五 崇禎三年重刊

內坊左右內率府率更府各一頃在外諸司公解田亦各有差大

都督府四頃中都督府三十頃下都督都護上州各三頃中州二頃

官總監下州各十頃上縣十頃中縣八頃下縣六頃上收監上鎮各五頃上

縣及中下收司竹監中鎮諸軍折衝府各四頃諸冶監諸倉監下

鎮上關各三頃牙市監諸屯監上戍中關及津各二頃其津諫下

關一頃中戍下戍岳瀆各一頃

諸京官文武職事各有職分田一品十二頃二品十三頃三品九頃四品

七頃五品六頃六品四頃七品三頃八品二頃九品一頃並去京城百里內給其

京兆河南府及京縣官人職分田亦准此卽百里內地少欲於

諸州及都護府親王府官人職分之田亦各有差二品十二頃三

品十頃四品八頃五品七頃六品五頃七品四頃八品三頃九品二頃

並鎮戍關津岳瀆及在外監官五品五頃六品三頃七品二頃八

品二頃九品一頃五品五頃三衛中郎將上府折衝都尉各六頃中府五頃

下府及諸郎將各五頃上府果毅都尉四頃中府三頃下府二頃

上府長史別將各三頃中府下府各一頃親王府典軍五頃副典軍

四千牛備身左右太子千牛備身各三頃諸州上折衝府兵曹二頃

中府下府各一頃其外軍校尉一頃旅帥一頃隊正副各十頃皆

於領側州縣界內給其校尉以下在本縣及去家百里內領者

不給其田亦借民佃植諸職分陸田限三月三十日稻田限四

月三十日以前上者並入後人以後上者入前人其麥田以九

月三十日爲限各前人耕耨後人酬其功直已自種者准租

分法其價六斗已下者依舊定不得過六斗並取情願不得抑

配開元十年六月勅所置職田本非古法爰自近制是以因循

事有變通應須刪改其內外所給職田從今年九月以後並宜

停給十八年六月京官職田特令准令給受復用舊制言大曆

中置竭時物騰貴內官不給乃減外官職田三分之一以給京

官俸每歲通計共文武正員外官及內侍省開廩五坊南北

衛宿衛并教坊內人家  
體等凡給米七十萬石


宋天聖間詔罷天下職田悉以歲入租課送官具數上三司計  
直而均給之朝廷方議措置令未下天子閱具獄見吏以賄敗  
者多惻然傷之詔復給職田卽毋得多占佃戶及無田而配出  
所租違者以枉法論後十餘年至慶曆中詔限職田有司始申  
定其數

政和八年臣僚上言尚書省措置縣令自不滿五千戶至滿萬  
戶遞增給職田一頃夫天下圭租多寡不均久矣縣令所得亦  
參差不齊多至九百斛如淄川之高苑八百斛如常州之江陰  
六百斛如常州之宜興自是而降或四五百或二三百凡在河  
北京東西荆湖之間少則有至二三十斛者閩廣有自來無圭  
租處川峽西路自守倅至薄尉又以一路歲入均給令獨不得  
而獨有今欲一槩增給一頃豈可得哉詔令職田頃畝未給條

者催促標撥

之道間臣僚言職田所以養廉亦或啓其不廉蓋交競於差遣  
之弊多取於收斂之日以其所以養廉者爲貪也紹興間懼其  
不均則詔諸路提刑司依法標撥官多田少卽於隣近州縣通  
融項管數足又詔將空閑之田悉他司官屬所占者撥以足之  
仍先自簿尉始其有無職田民人并親民小使臣每員月支茶  
湯錢十貫文內雖有職田每月不及十貫者皆與補足所以厚  
養廉之利也懼其病民則令縣令覈實除其不可力耕之  
田損其已定過多之額凡職租不許輒令保正催納或抑令折  
納見錢或無田平白監租或以虛數勒令代納或額外數過多  
取皆申嚴禁止之令察以監司坐以贓罪所以防其不廉之害  
也罷廢未幾而復舊拘借云久而給還移充糴本轉收馬料旋  
復克行皆所以示優恩厲清操也若其頃畝多寡且有成式





知藩府謂三京項日謂京兆成都太原建康江陵延二十項發  
 運轉運使副總管副總管知節鎮十五項知餘州及廣濟淮陽  
 無為臨江廣德興國南康南安建昌邵武興化漢陽永康軍并  
 路分鈴轄十項發運轉運判官提舉淮南浙江南荆湖東西  
 可北路鹽事官通判藩府八項知餘軍及監并通判節鎮州  
 鈴轄安撫副使都監路分都監將官發運司幹辦公事七項通  
 判餘州及軍藩萬戶縣令六項藩府判官錄事參軍州學教授  
 都監發運轉運司主管文字者五千戶縣令副將  
 節鎮判官錄事參軍州學教授並謂承務轉運司  
 不滿五千戶縣令滿萬戶縣丞餘州都監走馬承受  
 公事主管機宜文字同巡檢都大巡河提點馬監四項節度  
 掌書記觀察支使藩府及節鎮推官巡檢縣鎮寨都監監寨主  
 巡捉私茶鹽駐泊捉賊在城監營餘州判官州學教授謂承務以上

者軍監都監三項五十畝軍監判官餘州推官餘州及軍監  
 錄事參軍巡檢縣鎮寨都監寨主巡捉私茶鹽駐泊捉賊在城  
 監當藩府及節鎮曹官州學教授謂承務以上補五千戶縣丞滿萬  
 戶縣簿尉巡轄馬遞鋪鎮寨監當及監堰三項餘州及軍監  
 曹官州學教授謂承務以上不滿五千戶縣丞補五千戶縣尉簿巡  
 轄馬遞鋪縣鎮寨監當及監堰二項五十畝不滿五千戶縣簿  
 尉巡轄馬遞鋪縣鎮寨監當及監堰二項

文獻通考卷之六十五

臣等

禰

之

十六

臣等  
禰  
之

寛政元年

